

内江縣志

卷五

10280.109
42
25



內江縣志卷之五

人物志

忠義

郭

贊 字直聲熙寧間隨父官遊襄鄧間父卒寓安陸元符

末應詔上書慷慨言天下事不報崇寧二年廷英喝名坐前事斥出編置鄂州久之例復仕籍靖康初以奉議郎調蔡州汝陽令建炎二年春金兵破蔡官吏志遁匿贊朝服坐廳戟手大罵金將執見其首復極罵而死先是金兵臨境命二子曰我有官守義當盡節若輩無辜俱殞可乎二

內江縣志

卷之五 忠義

一

子曰父不避國難子安得逃父之難遂父子偕亡紹興中左奉議郎單父王慥為記

趙

昱 字希光淳熙宰相衛國公雄之子也少苦學以司馬

周程氏為師每謂命於天之謂良貴充諸已之謂內富故漠然不以利祿動其心出任二十餘年僅一磨勘歷任不滿三考其恬退如此洒掃一室左圖右書晝夜積日月不舍終身不改先是衛國公相孝宗皇帝一日奏事上從容語及鄭丙曰鄭丙不曉事問他吳挺乃云小孩兒解甚底衛公曰以大將比小兒丙誠不曉事然以臣見挺雖有

所長亦有所短上曰何故公曰為人細密警敏此其所長然敢於欺君又恃其險巧而愚弄士大夫此其所短但朝廷用之不得其地上曰何謂用之不得其地衛公曰往年恢復至順德中原父老尊食壺漿以迎王師者肩摩被接悉取免敵錢大失民望近以無功中原之人至今怨此子深入骨髓而朝廷乃使之世為西將人以二父故莫不畏服擬亦望宣撫之任久矣蜀雖三軍二軍僅當其偏裨雖陛下神武御將百擬何能為然古帝王長慮却顧為子孫萬世計似不如此上大感悟後擬死朝廷雖畧行其言已

內江縣志

卷之五 忠義

二

而復故開禧丁卯吳義僭叛昱每念衛公此語輒投地慟哭或至氣絕不蘇初欲買舟順流而東賊以兵守蜀門不果行於是製大布之衣每有自闕表避亂而歸者輒號泣弔之亟遺書成都帥臣楊輔謂逆雖驕蹙于亂天紀痛哉宗社哀哉蒼生此真愚孩無知為虜所陷逆順昭然其下未必樂從肘腋之間禍將自作事尚可為因勸以舉義兵遂絕粒至於臥疾不起猶晝夜大號聲達於外置一劍枕間每欲舉自刺輒為家人捍之而止如是者數四終不食死

馬炳然 正德五年庚八月藉劉瑾給事御史劾大學士焦芳

及都御史馬炳然等黨逆明紀 閩宦焦芳傳 七年壬午

月劉六等走湖廣奪舟至夏口遇副都御史馬炳然於武

昌江中殺之明紀 陸完傳同 業內江志 炳然成化

中知嘉魚縣民有為人作訟牒者詰之對曰貧無以養炳

然給贖使力田自是游食悉遁去暇日巡行村落悉知民

間瑣屑事吏不能欺一統炳然由嘉魚知縣擢御史宏

治間巡按貴州才名懋著歷升至總督為流賊劉六所執

刃挾作書退兵不從遇害妻女俱赴水死事聞贈右都御

內江縣志

卷之五 忠義

三

史謚節愍弟自然由進士為貴州右叅政剛正不撓有炳

然風貴州通志 四川 過去作謚莊愍字思進成化辛丑進士授嘉魚

令有聲望擢御史出守西安才名益起歷陞右副都御史

巡撫寧夏正德初總督南京糧儲至陽邏江會流賊劉六

等橫劫江中呼曰好語馬都堂馬牌送我過江炳然叱曰

我朝廷大臣乃馬牌送賊過江耶賊魁齊彥石箭中炳然

額仆水中時江新漲水三日退得尸顏貌如生守臣以聞

詔贈右都御史謚毅愍嘉善

中榮中華 正德間高縣夷普法莠作亂諷縣鄉兵征之兩人

素養習兵率眾執械擊寇死者二十餘人榮中弩死華以
身赴兄難亦死背所嘉之曰申榮死於賊申華死於兄無
愧下壺一家矣令有司厚為復卹舊志

王一言 字行之成化辛丑進士授瀏陽令邑大治五載徵為
御史按貴州酌俗制事不專刑威時土官那禧祿爭仇傳
檄定之洪武來雲貴合試一言建議分省開科增解額時
張皇親乞官廠大木一言率同官劾止之王都御史掌院
事疏論不稱孝宗震怒下一言獄奪俸王竟罷召再按山
東風裁峻整奏復聖喬孔宏緒官爵寧藩久蓄逆謀都御

內江縣志

卷之五 忠義

四

史李師實陰佐之一言摘發劾奏之權僉都御史巡撫寧
夏修屯政預崩榷擇守要害經畧盡力會布襖兒入寇總
督才公約防剿急一言涉黃河水陷感疾卒於固原行臺
子之臣仕至布政司叅議舊志 宏治九年丙辰三月王越
結李廣以中旨召掌都察院事給事李源御史王一言等
文章論命仍致仕明紀 宏治七年王越屢疏訟寬詔復左
都御史致仕越年七十耄矣復結中官李廣以中旨召掌
都察院事給事中李源御史王一言文章論乃寢明史王越傳
成化中一言知瀏陽縣以鋤強安善為先尤加意士類公

暇輒與諸生講論經義多所成就湖南通志 宏治七年巡按

貴州端凝簡重吏不敢犯貴州通志 宏治間一言任臨安兵

備凡城池軍旅糧餉之事并并有條軍民利病志興除之

雲南通志 一言巡撫寧夏布襖兎入寇總督才公約防剿一

言渡黃河水陷感疾卒於固原崇明紀正德四年己巳閏九月小王子犯延綏十一

月犯花馬池總督尚書才寬禦之沙高戰死則才公名寬也 王凱其先江西人隨兄

官蜀家於丹研之偏龍溪九世孫一言徙居內江官至陝

西巡撫丹研縣志

吳伯鈞 字任重洪治戊午舉人任蘄州訓導陞襄陽府推官

內江縣志

卷之五 忠義

五

以明恕稱流賊犯湖襄委伯鈞主餉謁洪少保於軍門議

禦賊方畧欲清游民以搜賊黨截要害以挫賊勢設江堡

以防賊舟洪壯之即委伯鈞監都指揮使樊華軍遂揮軍

進賊欲入川之大寧遂合兵圍之伯鈞先鋒罵賊賊怒射

之遂為所中馳壁即不起時正德辛未正月二十二日也

洪少保上其書於朝詔贈本府通判遣官諭祭廕子一人

舊志

晏 銳 字子充修偉有幹局善書法嘉慶庚辰以吏員授高

郵衛經歷能其官丙辰倭夷煽亂掠通泰薄揚州城巡撫

陳委鏡部兵東水關與賊對壘有擒獲功越二日賊益兵水陸並進兵力不支鏡獨持佛郎礮擊賊賊擁登舟被執脅之降大罵不屈遂遇害事聞詔贈府通判與同知朱褒祠並祀舊志

余才字德仲正德甲戌進士授禮部主事歷員外郎中十年練習國典大宗伯及諸曹長有大疑難必先訪才方詣閣定議奏上時中貴人黨導武皇遊畋才疏諫觸上怒杖之朝堂幾斃佛郎機國素不貢一日齎重寶乞朝獻才知其謀拒不納同舍勸之曰上方寵甚何執之堅乎才曰是

內江縣志

卷之五 忠義

六

以利啗我必有異謀謹備之未幾報寇邊噬吞諸夷卒按其罪世宗入繼諸儀禮聽才裁酌時擇后有指揮某者首以女謀選世系實官者臺諫以為言上命司監閣部議是非莫決才急取兵部冊辨正其事遂寢由是內豎啣之初大禮議起舉朝執為人後不宜私所生之議才贊宗伯覆奏且獨疏申明統宗大德又復爭本生非賤詞欲與所後稍別百官各疏泣諫上命司禮錄姓名杖四品以下者於闕前疏首楊慎等俱充譴才因迎興獻神未與及遠廷杖四十視前益嚴再絕復甦者七次朝臣死者十七人病者

數數引去不許才又疏寬恩廣孝以勵臣節乃稍弛禁文
襄席公論禮合上意擢禮部尚書才以論見不同數自劾
罷不能得太常卿言安陸奉祀宜用八佾十二 籩豆者
臺諫交攻之乃自陳諉毛尚書才謂毛雖卒不宜令受誣
抗疏力詆其奸士論壯之尋轉光祿少卿會四方告災有
詔京官三品以上陳時政才奏求言貴廣毋限官品條上
數事下所司議刑才再被刑形神衰耗病癱四閱月少間
起入朝會廷讞張寅獄中貴挾舊憾令偵事者才暨汪太
僕議東闕被拷訊仰杖下獄病體弗勝誣服罷官卧數月

內江縣志

卷之五 忠義

七

竟流瀆耗痛卒才身若不勝衣遇事擔當有膽力與僚友
厚善僕隸廝養亦愛服無後言隆慶改元四川撫臣以死
事聞贈太常少卿祠鄉賢見總志并通省名臣錄舊志

嘉靖三年尚書秦金等及余才等跪左順門哭爭大禮癸

未得杖

明紀 何孟春傳禮部則
郎中余才等九十有二人

朱希周以禮部侍郎

署尚書帝趣上册儀希周舉郎中余才汪必東等疏諫曰
陛下考孝宗母昭聖已三年矣而更定之論忽從中出則
明詔為虛文不足信天下祭告為瀆禮何以感神祇且本
生非貶詞也不妨正統而親親之義寓焉何嫌於此而必

欲去之以滋天下之議時羣臣諫者甚眾疏皆留中遂相
率詣左順門跪伏明史朱希周傳八月陳洗奸人不清議劾費宏金
獻民趙鑑吳鵬朱希周汪偉余才劉天民薛蕙鄭一鵬
恚邪黨而薦廖紀等十五人明紀應腹傳同六年亥七月馬
錄等逮至廷訊反獄帝怒命張璫桂夢方獻夫覆訊盡下
刑部尚書顏頤壽及侍郎都御史寺卿丞等十人於獄嚴
刑推問先是廷臣會鞠太僕寺卿汪天啟光祿寺少卿余
才偶語曰此獄已得情何再鞠偵者告夢以聞亦逮問夢
等遂肆榜掠頤壽以下咸不免錄不勝刑誣服夢等定爰

內江縣志

卷之五 忠義

八

書列罪名帝恚從之謫戍不赦者五人謫邊衛者七人為
民者十一人革職閒住者頤壽及天啟才等十七人明紀

馬錄傳天啟作汪元錫

楊

名 字振遠取應遂寧嘉靖戊子解元己丑聯捷一甲第

三人官翰林院編修上疏忤權貴免官家居敦行著書時

論推重隆慶改元贈光祿少卿子孫科甲以文獻世其家

名字實卿遂寧人童子時督學王廷相奇其語貌補弟

子負嘉靖七年鄉試第一明年以第三人及第授編修聞

大母喪請急歸還朝為展書官十一年十月彗星見名應

詔上書言帝喜怒失中用舍不當語切直帝銜之而荅旨
稱其納忠令無隱名乃復言吏部諸曹之首尚書百官之
表汪鉉小人之尤也武清侯郭勛奸回險譎太常卿陳道
瀛全贊仁粗鄙酣淫數人者羣情皆曰不當用而陛下用
之是聖心之偏於喜也諸臣建言觸忤者心實可原大學
士李時以愛惜為請即荷嘉納而吏部不為題覆臣所謂
虛文塞責者豈盡無哉夫此得罪諸臣羣情以為當宥而
陛下不終宥是聖心之偏於怒也真人邵元節猥以末術
過蒙採聽嘗令設醮內府命左右大臣奔走供事遂至不

肖之後有昏夜乞哀出其門者書之史冊後世其時謂何
凡此皆聖心之稍有所偏者故臣敢抒其狂愚疏入帝震
怒即執下詔獄拷訊鉉疏辨諸名乃楊廷和鄉人頃張孚
敬去位廷和黨益思報復故攻及臣臣為上所簡用誠欲
一振舉朝廷之法而議者輒病臣操切且內閣大臣率務
和同植黨固位故敢欺肆如此帝深入其言益怒命所司
窮詰主使數瀕於死無所承言曾以疏草示同年生程文
德乃并文德下獄侍郎黃宗明候補判官黃直載之先後
皆下獄法司再擬罪名皆不當上指特詔譴戍伍瞿城衛

明年釋還屢薦俱不召家居二十餘年奉親孝親歿與其弟台廬於墓免喪疾作卒明史本傳直金溪人嘉靖二年進士服闋赴都適名宗明下獄直抗疏言九經之首曰修身其中曰敬大臣體羣臣今楊名以直言下詔獄非所以體羣臣黃宗明以論救與同罪非所以敬大臣二者未盡天下後世疑修身之道亦有未盡矣帝大怒并下詔獄拷掠命發極邊編戍雷州衛附黃直傳宗明鄞人嘉靖十一年冬編修楊名以劾汪鋐下詔獄詞連同官程文德亦坐繫詔書責主謀者益急宗明抗疏救帝大怒并下詔獄請福建

內江縣志

卷之五

忠義

十

右叅政明黃宗明傳陳東鄞人嘉靖八年廷對世宗親擢羅洪先程文德楊名為一甲而置唐順之及東等於二甲文苑陳東傳名家居敦行著書時論推重隆慶改元贈光祿少卿

剛定全蜀人物志

周士昌 士昌四川人萬曆庚戌進士天啟四年任衡永柳兵

備道捐俸課士手定甲乙值歲歉設廠施粥親臨視賑迄

秋成乃止全活萬餘人四川通志引各省通志及一統志諸書所紀蜀人仕宦未著職籍者

皆列入成都府此姓名科年俱同一士昌崇禎間任左布

政士酋普名聲叛巡撫王伉疏請會剿令士昌監軍遇伏

力戰死

通志

崇禎四年耕阿迷州土官普名聲驕恣巡

按趙洪範至名聲不出迎而列戈甲旌旗數里洪範怒謀於巡撫王伉請討得旨名聲遂作亂三路出兵陷彌勒州聞羅平一路頭目何天衢坑殺斃手降官軍名聲懼撤兩路兵回伉進圍阿迷名聲使約降而陰以重賄求助於隨征土官元謀吾必奎及戰必奎陽賊走官兵望之大潰布政使周士昌戰死名聲遂陷曲江衛進攻臨安霁州監紀同知楊于陞副將秦拱明皆敗死朱燮元遣兵臨之伉以啟翼速治名聲乃就撫

紀明

周士昌字心聯萬歷庚戌進

內江縣志

卷之五

忠義

十一

士歷任至雲南布政使清廉率下時土官普名聲叛運餉不給賊勢甚銳右布政蔡侃欲親往督運且贊軍務時中丞王公被劾士昌曰蔡可久壯才猷有餘權秉節鉞非君不可士昌老食祿某年以身報朝廷矣蔡力阻不允至阿彌州與賊相持四十餘日官軍數萬盡沒士昌同諸總兵死之一時多其風烈

蕭宗成 孱生少有氣節辛酉奢變賊大索山谷得之度其美男子必多金縵夫婦以行賊首欲生之宗成曰吾天朝侍御太守孫累世忠孝肯從汝作賊乎速殺我賊怒批其頰

叔其贊以誘竟不屈妻江氏見夫殺哀號叫罵身被重創
幾死而生誓不嫁奉姑苦節益不忘夫志云舊志

馬鳴鑿 字君美僉憲魯卿第六子尚書鳴鑿之弟少穎敏上
文詞年十九補膠庠督學王孟旭深重之性介潔負有高
尚志居恒茹蔬被素兄顯官四十年不一至其署辛酉蘭
賊破內江鳴鑿轉徙山谷間潛結豪傑復城不就號泣曰
如祖宗廬墓何趨近城十五里探賊事道遇羣賊縛男女
且行且笞持刃逼予金男女頭控作乞命狀鳴鑿不勝憤
厲聲出林中詈曰狗奴妾虐無辜旦暮天兵至爾曹皆虀

內江縣志

卷之五

十二

粉矣遂遇難氣未絕口猶喃喃詈賊聲其慷慨就義如此
事平以死節聞士論壯之子士驥士調有俊才舊志

張

亮 原名芝字揆伯幼穎敏有大志弱冠登萬曆己酉賢

書奉其父鳳禎告天知對人言之訓動無過舉以國子學
錄晉戶部正郎出備榆林風裁凜肅因上書為閣臣所忌
誣以邊事去官時多事需才薦天下邊才弟一起補安廬
道遂陞都御史巡撫安廬適左良玉有異志金陵震動單
騎赴營設笑止之朝廷嘉其績召對便殿與閣臣高洪圖
指畫上前條議終日洒血披誠皆見嘉納獎資金帛命總

督左良玉劉洪起師辦闖後殉難謚忠烈 有張亮者四
川人舉於鄉崇禎時歷榆林兵備叅議用薦改安廬兵備
監禁軍討賊頻有功十七年擢石僉都御史巡撫其地福
王既立亮聞李自成兵敗西奔奉言賊勢可乘請解職視
賊所向督兵進討從之尋詔入京議事復遣還任明年四
月左虜庚陷安慶亮被執夢庚北行挾亮與俱乘間赴河
死明史表 亮字伯揆內江人天啟辛酉舉人由教官累
遷戶部主事推邊才擢榆林道以事拄誤事白再補安廬
道崇禎十五年流賊殘江北賴亮撫綏民得復業明年癸

內江縣志

卷之五

忠義

十三

未春左良玉為流賊李自成所敗南下梓州縣至安慶
地方鼎沸皖撫不知為計召亮議亮曰左兵雖潰亂然非
反也諭以大義必當戰可往說之皖撫曰誰敢往者亮曰
城孤兵弱危亡旦夕往亦死不往亦死往未必非長策也
皖撫曰君素有畧往即君往亮於是絕城而下詣池陽見
良玉舟中執其手曰國步艱難賊勢猖獗凡我臣子皆當
捐軀以報朝廷將軍至此請問計將安出良玉長吁泣下
曰良玉非敢惜死但兵多餉缺枵腹難戰公責我以大義
敢不聽命然饑兵沿江覓食未免為廟堂肉食者操長短

良玉雖死終無解於數十萬之譁也亮曰無食之兵固難盡責請撫軍具疏為將軍白之將軍即宜整眾還鎮救彼一方良玉大喜一軍皆歡亮宿良玉舟中插血而盟亮晨還安慶呼門撫院令縋城而上亮令開門入皖撫即具疏良玉還師一方以寧廷議以此功晉僉都御史巡撫安慶甲申十七年宏光立上五可商疏不報秋召對亮奏協和四鎮聯絡川陝號召河北赦宥脅從以圖恢復復以亮為皖撫乙酉南京忽傳烈皇帝太子至付法司審辦御史黃澍與馬士英有隙激良玉傳檄清君側之奸全軍而南左

內江縣志

卷之五 忠義

十四

夢庚焚九江良玉死不發喪全安慶安慶兵數月無餉而將管馬進寶乘左兵至舉火內應照耀城中門皆洞開亮官服坐堂上然燭奉敕印左兵素聞亮名無入署者明晨左營諸將請亮出亮不從而火勢已至難民千餘擁亮出至操江亭諸將來謁皆以救太子為名而未知良玉已沒也南京宵散左兵欲亮同走楚亮曰吾死安慶寧之楚遂入潛山縣大清英王道馬進寶召亮亮不降入萬山寨進寶言地撫不出近村皆剽亮欲自縊民不從亮曰何忍以一人之死累百姓遂下執北去楊注曰皖撫張公注舅氏

也當左夢庚焚安慶時注在撫軍署與公共辛若公入洛
山乃別去公僕在路皆逃惟野從先李自春從公從先榆
林材官公奏為恭將自春陝西人撫標右營副將公去數
月間至清河縣與二人俱投水死有絕命詞四章費經度
劍閣芳
華集案王軍志要載其絕命詞止三章首曰生平報國夫
忠貞豈為顛危易此心世上許多難了事只須生死看分
明次日吾家理學世傳名費把妻兒累此身江水滔滔
成血淚主持名節幾多人卒曰念兒乳臭未成人萬里
孤踪悟一生堪痛兩貧無倚處託與賓吾大將軍
賜諡忠節
勝朝殉節
諸君傳

張于廉 崇禎十七年八月甲子獻賊陷成都內江張于廉致

內江縣志

卷之五 忠義

十五

仕彭澤知縣也與妻鍾氏同罵賊死八月初九日也
徐廉小腆紀年 乾

隆四十一年 賜諡節愍殉節諸
目錄 于廉字汝和性淳樸

弱冠登天啟辛卯賢書不以貴矜敝衣羸馬與妻鍾氏沒

泊自甘初任彭澤令一介不取後為仇誣解歸值獻賊據

蜀逼之出仕不從遂與妻遇害死時罵不絕口平日吶吶

如不能言鄉人嘲為爛善後竟慷慨赴義賢者不可測如

此

劉邦彥 字見素邑庠生主事志熙高明季獻賊入境整衣冠

罵賊不屈死

門亭午 雲南恭政鴻揚子甲申蜀變被賊執賊使附已罵賊
不絕口而死

范文光 文光字仲闇內江人天啟物舉於鄉崇禎中歷官工
部主事南京戶部員外郎告歸十七年張獻忠亂蜀文光
偕邛州舉人劉道貞蘆山舉人程翔鳳雅州諸生傅元修
洪其仁等舉義兵奉鎮國將軍朱平權為蜀王推黎州叅
將曹勛為副總兵統諸將而文光以副使為監軍道貞等
授官有差勛敗賊雅州龍鵲山追至城下反為所敗退守
小官山十一月文光督叅將黎神武攻雅州不克明年九

內江縣志

卷之五 忠義

十六

月神武合雅州土漢兵再擊賊將艾能奇於雅州敗績偽
監司郝孟旋守綿州文光翔鳳遣間使招之孟旋襲殺守
雅州賊以城來歸文光等入居之獻忠死文光保境如故
永明王命為右僉都御史巡撫川南而以安綿道詹天顏
巡撫川北總督李乾德殺楊展文光惡之遂入山不視事
大清克嘉定文光賦詩一章仰藥死明史樊一衛 乾隆四
十一年 賜謚忠節節節諸 文光天啟辛酉舉人官寧
羌州學正內轉國子監博士戶部正郎每言蜀將亂徙家
峩眉崇禎十七年獻賊破成都十一月己丑文光至邛雅

與道貞等奉宗室朱平權為主起兵尋奉首帥王應熊檄
監洪雅曹勛軍永明王推為巡撫順治六年己丑二月文
光會總督楊喬然首帥呂大器謀討偽楚世子借制行事
之朱容藩是日李乾德誘雜定西伯楊展文光知事不可
為遂入我肩不視事九年壬辰五月大兵下嘉定文光賦
詩一章仰藥卒纂錄諸書詳節文光辛酉舉人肆力於詩本由
鍾譚入而晚年反詆伯敬有李鍾合刻左袒空同遂為楚
紳之津要者所惡竟以京察罷之歸而隱於峩眉之花溪
吟咏益富著有啼鵲血小詞行於世明末數蜀中詩人指

內江縣志

卷之五 忠義

十七

不再屈為文光至成都有句云魯山惟欠死箕子自甘囚
觀此志可知矣蜀人志

鄭廷爵 戶部浙江司主事鄭廷爵內江人起兵拒孫可望之

眾於雅州屢戰歿於陣乾隆四十一年賜謚烈愍勝國殉節諸臣

傳順治二年天全六番招討使楊之明成都進士朱奉

鉅川北舉人鄭廷爵起兵拒賊與戰於雅州飛仙關兵敗

被擒為賊劓於會城南門外廷爵逃至總崗山收兵再戰

歿於陣蜀碧案舊通志同作川北舉人隴蜀餘聞作閬中諸生而內江志鄭壁傳云子廷亦舉人廷爵庠生

承唐太學生廷祚閬黨附見明史崔呈秀傳豈廷祚初附
閬後洵節如馬炳然耶抑其弟起義而諸書誤以其兄之

官位冒之即此雷別
有考訖姑存於此

周顯承 顯承字文子先世籍楚麻城明初入蜀家內江東鄉
揚市之太醫堪曾祖克盛祖有均父佐堂均封一品振威
將軍兄丕承亦貤封將軍顯承幼慧讀書僅三年棄而耕
及長隆準高顙首如虎身頽長家居時母唐夫人常夢一
虎出入室間或離家則不夢事親極孝父病臥冬月思王
瓜急種宅後忽生而花實成以進父甘之亟稱其孝將沒
預示期適兄不在告顯承曰我家當大富貴授素所著羊
裘嚙曰寒時服暑亦服顯承受裘不解所謂逾數年家果

內江縣志

卷之五

志義

十八

日富累數千金兄偕往仁懷別業伐竹木孟夏末兄先歸
顯承送之十餘里而別時已暮解裘披左肩獨返即父所
授也至山半矣遇虎未撲即閃避三撲俱空虎麟怒飛涎
直噴急以裘當之涎盡著裘惟一點濺額痛如錐刺虎復
躍撲顯承大怒棄裘蹴身虎腹下擊以拳再躍再蹴擊卒
跳尾後踢中其陰虎負痛去乃取裘歸額暴腫月餘既瘳
氣益壯力益增乃求學武技藝回人馬翁有異術隱仁懷
山中顯承師之技藝兵法遂慨然有立功萬里志咸豐四
年販木下湖遇洪秀全亂以貨託鄉人已則投川水營充

勇丁歷二載保舉至守備七年營撤乃歸里八年再至湖
視所取則折資萬計遂憤往宿松投將軍多隆阿營隸叅
將雷正綰麾下充大旗卒十年小池驛大破陳玉成賊恢
復太湖潛山首功多保陞祀總七月隨攻桐城破援賊升
千總又隨軍分復桐城宿松黃梅廣濟城升守備時正綰
已升總兵辦營務多帥傳呼議事輒命顯承代每次二三
十事顯承悉辦無誤多帥喜禮異之賜坐稱為大器一日
領隊攻廬城將逾濠正綰馳呼遠謂曰此非大將任也言
未訖城上礮發逾濠者盡斃顯承以免同治元年四月大

兵復安慶多帥復廬州論功升都司五月多帥督辦陝甘
軍務隨入陝勦回賊八月抵西安解城圍移屯咸陽攻復
涇陽二年二月統西安新撫營勦通糧路往耒三橋左脇
為礮子擦損右脇為矛戳傷論功升游擊五月充正綰營
務處六月回賊再圍省城顯承自三原回勦解圍升參將
八月破賊三原九月破塔底永樂店賊巢升副將冬正綰
調駐亭口傾信專任連克白集隴東抵涇州掃王村賊巢
三年正月實授寧陝營參將二月多帥圍藍大順於藍屋
礮中目大怒限三日破城次日即破藍賊盡殲多帥亦薨

三月隨正綰進勒自涇由崇信至平涼一路賊窟俱平斬
回酋訥三固原乞降得賞已圖魯號五月復平涼升總兵
六月移勒張家川連收龍山蓮花鎮而陝賊孫義據固原
以馬隊突涇顯承謀知飛調譚劉二鎮擊之涇得安十月
進窺鹽谷收開城十二月孫義攻陷靈臺逾涇南關顯承
回勒涇復完得記名提督四年正月回賊兩股斷涇後路
顯承勒之涇乃固三月復固原殺賊無算又收鹽茶黑城
預望城下馬陶等處恢地數千里實授提督駐涇州顯承
待民厚取兵嚴麾下或淫掠得民訴即立斬民頌青天兵

內江縣志

卷之五 忠義

二十

呼崗王有城砦被圍無不援解民亦稱救命周公以大義
諭民輸糧皆樂從所過民必以小鼎炊鷄跪進馬前他將
則否是年八月招潰兵破回馬隊萬人得賜三代皆將軍
并賜白玉翎管一枝白玉檄指一枚大小荷包一對火
鏢一把顯承請以應得封典馳贈兄嫂從之陝甘總督楊
岳斌委辦營務所撫潰兵糧缺慶陽糧臺楊能格斬之顯
承屢詰索遂啟釁劾以侵扣軍糧朝委山西巡撫趙長林
查辦能格又囑寧州官吏稟以率兵擄掠致民呼周崗王
有叛意朝旨拏問顯承適在三水勸糧聞之即輕騎歸省

則岳斌與陝西巡撫劉蓉已將顯承受屈情形入奏矣五年正月長林至涇岳斌亦至查能格奏劾皆虛惟委員至寧州生事顯承失察又至慶陽得能格誣報截扣軍糧事奏上能格查抄顯承革職効力其在省候查半年大局已壞涇民數千前後未訴曰乞公早還活我二月回涇民相慶恃以無恐七月賊來犯勢張甚八月一日顯承兵不滿千星夜進勦三日戰於瓦亭驛賊敗奔又分股出平原顯承移勦戰白水賊敗走華亭聞顯承言賊數十萬踞華亭須四面攻勦岳斌飭官軍四集賊偽就撫顯承知其詐降

緩兵將乘間遁請岳斌嚴飭諸將請將恃撫不備二十日賊果全隊向平原遁去二十八日顯承率親兵一營涇防德字前後二營靖安馬隊二營追至王村二十九日至花所鎮遇賊馬隊二千大戰破之追至白水賊一股由平川一股由後川走顯承令德前營勦崇信原賊後營勦後川賊自率親兵馬隊與平川賊戰追奔至馬連鋪立解布政蔣燾學圍九月一日回酉調集萬餘騎曰甘省將惟周閣王苦拒入陝今進無路退無糧必拚命一戰顯承謂諸將曰賊拚命唯宜鬪智彼聲言未戰必使原上賊暗由白水

出斷後路令以馬步連環迭戰有進無退德字兩營可堵截原上彼計不成必大敗處分已定笑曰兵不在多調遣在人賊雖黠安能出我掌上我行當置酒為諸君賀耳皆踴躍領命去及戰原上賊出德字營擊退之喜曰果不出軍門所料且往應正軍顯承督戰數時賊猶死鬪即往蔣營激其將士親率以橫衝賊陣德營又至前中後合擊遂大勝生擒賊中兩有座帥馬伍什子斬六百餘擒數十人賊失座帥氣大挫又聞回賊數萬走北原顯承以馬隊之三守涇率餘軍往截四日至鵝公坡五日出北原賊見大

驚馬步未戰顯承迎擊忽礮聲四起德前營從左後營從右至賊大敗追二十餘里斬二百擒四十餘十八日賊大敗犯後川顯承兵少思出奇乘高望之下集諸將附耳授計乃率馬隊擣川心賊未衛兵遽退兩旁伏兵起三面夾攻賊堅持待原上應探騎還報原南北有周兵屯阻不敢來因大驚而退至原下遇兩隊返逐大敗既收軍幕士問曰賊眾我寡公何計破之連荅曰此以鎖陣法破之耳我見川心賊直撲而前恃原上有應也我以一隊駐原南一隊駐原北原上見兩處險要已為我扼必不敢下是以兩

隊鎖其全軍也彼救不至勢必駭走而南北兩隊以逸待勞是以勝也皆嘆曰公之運用在一心岳武穆今再見矣十二日回酋崔三眾數萬馮均福為前鋒夜由黨原北踰溝圍楊騰芳營騰芳乞援顯承令德後營三更往紮後川河心迎風臺至則分一隊堵鴉公坡要路防其入涇自率德前營及親兵由後川往援謂諸將曰夜戰用計可不勞令馬隊持號分數百處往來大吹賊聞號四起驚啼曰周闖王至矣遽退奔自相蹂兵乘之圍立解即往勒楊嘴天將曙賊猶卧斬柵入礮聲呼聲動天地數萬賊裸體狂奔

內江縣志

卷之五 忠義

二十三

顯承突入中營一賊披紅旆旗馬欲上手鎗斃之詰擒賊乃紅均福也日暮收隊忽報鴉公坡有五六千賊攻卡即夜往救令馬隊吹號如前立賊亦驚奔追殺甚眾返營已酉初而後川賊由小路上北原聞即馳擊賊敗退下原是役也回賊數十萬色原數百里顯承兵僅千而能斬巨酋及羅萬海鄒阿洪小酋不知名者數莫計回賊聞周闖王名輒頭痛乃由鎮原橫河川襲河窰入甯州連三百里不斷顯承辦營務岳武始而疑繼見謀無不中戰無不勝乃信愛每稱快甘將止周郎一人委為東路大統帶惜已

晚局大壞回賊四擾辦糧官恚返顯承以賊不驅糧不給兵饑必潰潯州亦不可守乃約雷正綰軍南北夾攻賊不得歸老巢十月二十日突至平涼游擊劉玉昌不能支城遂陷急馳約雷軍同往二十二日四更至城外十里鋪平明分軍攻城顯承督隊先登復平涼得開復原官東路橫河川乃涇慶平固適中之地賊據為老巢而平甯華亭各處時有馬步賊擾圍入涇為趨陝計十一月顯承正綰張在山黃有才會議以為不破老巢賊終不衰遂合軍四日進五六兩日且戰且進均有斬獲七日賊調平甯各處悍

內江縣志

卷之五 忠義

二十四

賊恚集直撲顯承在山營力擊之斃賊千擒數十人八日傾巢出拚死戰顯承在山左右擊更番不休雷軍沈大興等乘虛搗其巢賊顧後乃退九日賊四路設伏撲雷軍大興等力戰顯承在山合攻共斃千餘擒數百獲巨酋馬阿汗盡平橫河川原上老巢十日勦川內賊不敢戰惟奪路奔顯承手握鎗追擊連斃悍賊十餘因裝火藥過多鎗震退觸石乳裏傷復進諸軍並前盡平川內賊巢得部議敘十一月二十日顯承合雷軍由三子山太昌邱家砦扼勦連日獲勝二十七日涇州公館夜初更紅星如斗墜館中

幕士夜馳書白行營顯承毅然曰忠臣不怕死豈以此亂我懷抱也二十八日督隊進十里賊迎戰顯承身先陷陣敗賊追破賊卡二處進四十里至三不通將附近一巢攻破斃賊數百顯承被乘勝掃平忽中賊鎗子入左目從腦後出登時陣殞年三十六尸將返涇州人忽聞喧聲登城守望則在城內尋聲至城隍廟入視則泥偶人馬皆汗若勞走狀俄而尸至乃知城隍神先往迎矣顯承讀書不多而批荅文書口授數百言悉中肯綮人驚為天授貌溫而性厲每訊犯卒怒則口角涎如絲怒解隨吸入口或涎墜

內江縣志

卷之五 忠義

二十五

地則其人死矣累試皆然人以為虎星之驗岳試奏明死狀從優議卹賜太子太保世襲一騎都尉一雲騎尉罔替准入京師昭忠祠及本省昭忠祠戰亡地方及原籍建之專祠今祠立內江東鄉千秋里清平砦周顯承字述之咸豐五年賊木江口值髮逆擄掠投游擊陳慶友保外委隨總兵雷正綰破賊屢立戰功奏補都司同治元年馳援陝西克復固原奏補提督五年四月克復平涼追勦逆獮至寧州血戰數日左目中炮陣亡奉旨贈太子少保世襲騎都尉准入昭忠祠

余朝龍 邑東千秋里人正定游擊忠鑾長子嘉靖二年以守備隨父追勦賊日王三槐陣亡三槐即以是日授首 恩給優卹蔭其子營守備 勅祀忠義祠

鄒晴川 由武舉任滎陽千總嘉靖初以進勦賊匪陣歿

義民郭 俸 蕭 林

蕭明道 俱以鄉勇於嘉慶九年勦賊陣亡奉部議叙

李春暄 字寅菴道光癸未進士初任廣東陽山縣知縣丁艱服闋選湖南新化調湘潭與民相安後以知府升用署常德府同知咸豐四年五月逆匪攻撲常德府城與同城文

內江縣志

卷之五 忠義

二十六

武登城守禦是月十六日城陷春暄督勇巷戰殺賊因眾寡不敵被傷身死湖南巡撫駱秉章奏明殉難得膺恤典平生好學著有步月樓文稿贈太僕寺卿雲騎尉世襲恩騎尉周替

西門外殉難碑遺刻義勇十名

范文光 吳洪貴 黃明才 尤占陞 蕭光璠

鄧光鑑 陳德濤 隆有興 葉思治 劉正春

劉景燾 字亭午咸豐十年由嘉定回邑經鐵山寺遇李逆股賊勸降不聽罵賊死

李有明 大學生咸豐辛酉年於高峯山帶團禦賊遇害

李 崑 邑龍橋里人字鳳樓以資仕初任貴州朗岱廳咸豐末髮賊石達開入境率民團禦戰身先士卒破退之陞任安順府永甯州撫軍嘉其才勇委帶兵勦獮苗克復興義府貞豐州安南縣等十餘城旋保道員同治元年九月勦獮匪陣亡

吳洪貴 字鶴軒忠勇果敢從軍貴州擢提督奮勇巴圖魯在夔安縣陣亡 賜卹祭葬騎都尉襲次完時雲騎尉世襲罔替

內江縣志

卷之五 忠義

二十七

李根芳 邑進士山東曲阜知縣庚辰回籍賊入境率團丁數千人扎馬鞍山堵禦賊不敢近倏一夜張逆大隊分股撲營死之詳請贈太僕寺卿世襲雲騎尉准暨專祠邑紳派糧協修在南關內

鄧樹榮 字禾臣甲午領鄉薦甲辰大挑一等任粵西河池灌陽柳城頗有政聲咸豐戊午髮逆跳梁領團民堵禦死之請旌准入昭忠祠

俞錦榮 邑副貢咸豐十年李逆入境被執遇害

張 鑑 邑舉人大挑一等分發安徽守坡十月髮逆陷城死

之

陳青純 四十五歲賊入境率團丁數十堵禦生擒賊目四名
送縣正法薄暮賊眾至被執脅降不屈罵賊遇害縣主賞
給忠肝義胆四字匾額以旌其門許請入昭忠祠

朱占魁 咸豐十年投効軍營著有勞績保千總冬營昌城陷

赴援賊退汎無主邑紳留朱權篆十一年春賊據天洋坪

率勇援勦陣亡

張天友 邑東石子里人庚申秋滇

甯有綱 匪入境被執罵賊遇害
五十四歲庚辰秋賊

內江縣志

卷之五 忠義

二十八

何光畧 咸豐十一年二月

張正佐 咸豐十年冬蔣提憲遣

鄧光翎 咸豐十年七月田家場

李瑞 咸豐十年冬樛

奉明楷 年二十七身護李

何光殿 孫大星 上俱咸豐十年秋

高永然 唐清亭 上俱從李提芳馬

趙萬順 趙貴瓊 僧仙崙 上俱史家街

鄭占彪 陳家壩堵 周宗傑 喻汝陶

陳顯喜 華禮品 黎迪光 徐正邦

楊白紅 上俱咸豐十一年正月普台寺塔禦遇害

傅洪興 徐占榮 童占魁 陳興

葉得勝 林國鎮 隆飛雲 劉興

蕭超羣 張武英 劉占春 鍾貴

蔣逢春 郭占榮 楊少龍 田占魁

陳元清 張仕盛 吳興順 胡占鰲

以上練勇二十名咸豐十年赴長月研縣陣亡

羅楚偉 陳開祥 鄭啟基 曹開緒

內江縣志 卷之五 忠義 二十九

艾緒葵 以上團勇五名咸豐十年賊至便市陣亡

蘇偉 偉字浩然內江人性果敢有俠氣憤時內外憂患慨

然思乘長風破萬里浪遂投考入陸軍速成學堂光緒三

十四年畢業奉檄入藏馳歸省親偉時新婚未久父又哀

篤留三日即行七月出發偉為排長引隊運巨礮行高寒

鳥道中風餐露宿士卒徃徃駁落手足指及顛岩谷死者

甚多偉悉力撫慰以行身亦已困至江達為藏番所阻迎

戰而行行裝盡失每僵臥草中如是者月餘至宣統元年

正月乃抵拉薩陞礮隊隊官英人煽惑後藏進攻拉薩相

行兩年大小二十戰三年五月敵復大至傳寧部拒戰殫

中頭部陣亡

儒林

元 黃

澤 澤字楚望其先長安人唐末舒藝知資州內江縣卒

葬焉子孫遂為資州人之史儒林本傳 案邑志王錄元

非資籍矣夫澤父儀可隨其兄官九江蜀亂未歸遂家九

江元時內江地荒未立縣澤亦未歸故里無論內江即資

州亦不得引 宋初延節為大理評事兼監察御史累贈

內江縣志

卷之五 儒林

三十

同年登進士第蜀人榮之父儀可累舉不第隨元驥子官

九江蜀亂不能歸因僑寓焉澤生有異質慨然以明經學

道為志好為苦思屢成疾疾止復思久之如有所見作顏

閔仰高鑽堅論蜀人治經必先古注疏澤於名物象以考

核精當而義理宗程朱作易春秋二經解二禮記記述畧

大德中江西行省相臣聞其名授江州景星書院山長使

食其祿以施教又為山長於洪之東湖書院受學益眾始

澤嘗夢見夫子以為適然既而屢夢見之最後乃夢見夫

子手授所校六經字畫如新由是深有感發始悟所解經

多拘舊說為非是乃作思古吟十章極言聖人德容之盛
上達於文武周公秩滿即歸閉門授徒以養親不復言仕
嘗以為聖人遠經籍闕傳注家率多附會近世儒者又各
以才識求之故議論雖多而經旨愈晦必積精誠確有所
悟然後可以窺見聖人之本真乃揭六經中疑義千有餘
條以示學者既乃盡悟失傳之旨自言每於幽閒寂寞顛
沛流離疾病無聊之際得之及其久也則豁然無不貫通
自天地定位人物未生已前沿而下之凡遠古之初萬化
之原載籍所不能具者皆略若發蒙如示諸掌然後伏羲

神農五帝三王以及春秋之末皆若身在其間而目擊其
事者於是易象春秋傳注之失詩書未決之疑周禮非聖
人書之謗凡數十年苦思而未通者渙然冰釋各就條理
故於易以明象為先因孔子之言上求文王周公之意而
其機括則盡在十翼因作舉要忘象辨同論於春秋以明
書法為主其要則在考覈三傳以末向上之功而脈絡盡
在左傳作三傳義例考筆削本旨又作元年春王正月辨
諸侯娶女立子通考魯隱不書即位義殷周諸侯禘祫考
周禮太廟單祭合食說作邱甲辨凡如是者十餘通以明

古今禮俗不同見虛詞說經之無益嘗言學者必悟經旨廢失之由然後聖人本意可見若易象與春秋書法廢失之畧相似苟通其一則可觸機而悟矣又懼學者得於創聞不復致思故所書多引而不發乃作易學濫觴春秋指要示人以求端用力之方其於禮學則謂鄭氏深而未完王肅明而實淺禮經復古正言如王肅混郊丘廢五天帝併崑崙神州為一趙伯循言王者禘其始祖之所自出以始祖配之而不及羣廟之主胡宏家學不信周禮以社為祭地之類皆引經以証其非其辨釋諸經要旨則有六經

內江縣志

卷之五 儒林

三十二

補注詆排百家異義則取杜牧不當言而言之義作翼經罪言近世覃思之學推澤為第一吳澄嘗觀其書以為生平所見明經士未有能及之者謂人曰能言距楊墨者聖人之後也楚望真其人乎然澤雅自慎重未嘗輕與人言李洞使過九江請北面稱弟子受一經且將經紀其家澤謝曰以君之才何經不可明然亦不過筆授其義而已若余則於艱苦之餘乃能有見吾非抑子不敢以二十年林下欺君也洞歎息而去或問澤自閔如此寧無不傳之懼澤曰聖經興廢上闕天運子以為區區人力所致耶澤家

甚寡貧且年老不復能教授經歲大祿家人採木賣草根以療飢晏然曾不動其意惟以聖人之心不明而經學失傳若已有罪為大戚至正六年卒年八十七其書存於世者十二三門人惟新安趙沅為高第得其春秋之學尤多沅為澤傳世家見通志

明

王守約

守約任湘鄉教諭學有淵源課生徒寒暑不輟兩校鄉閭所得皆知名士湖南通志字原甫景泰庚午舉人授湘鄉縣教諭性方嚴有執不苟顰笑常以忠信為主肆力於

內江縣志

卷之五 儒林

三十三

詩有唐人風調邑憲副吳玉陳令蕭韶輩咸出其門至老猶敬憚如及門時善品士歷典閩中滇中分試致仕歸年九十三卒有可庵詩集仲子一言歷都御史舊志列傳

李臨安

臨安內江人景泰間進士歷戶部員外博學工詩賢名蔚起家宰尹旻甚器之卒於京旻親弔哭惜其未大用

舊四川通志

馬魯卿

魯卿登第後除盤屋令語客曰吾不解為除令令也客曰稍利方為圓耳答曰方可利乎隨請松江教授久之入為水部郎銓部重其品擢副滇泉踰三月即致政歸以

子鳴鑾貴封中丞

蜀人物志
五詳列傳

田定 定正德間任湘潭教諭政嚴才敏常捐金建學宮

大理寺正

湖南通志
五詳列傳

李華 華字士榮通皇極數學初補郡庠應食廩以讓其友

蔡某次富及華繼華者誣以賣友華復讓之士以此多其
量貢授三原訓導轉教諭時與馬谿田談道學兩任積俸
幾二百金遇歲大旱易粟食諸生百餘請皇極之學比七
十引年歸鄉人稱為李夫子年九十餘卒貧不能葬門人
游淄治其喪

舊志

內江縣志

卷之五 儒林

三十四

李吉安 吉安字邦瑞以歲貢為華陽府教授會王與將軍府

捐訟吉安諫不聽後王不直幾抵法悔不用吉安言自是
事無大小必咨之

湖南通志

陳璠 璠字瑕無崇禎間仕至戶部員外郎後棄官遊順寧

太守延為育賢館師郡士多出其門著有育賢館志四卷

雲南通志

陰秉衡 秉衡作文翰樓手不停披口不輟吟生平著述恉恉

於天理人欲邪正之辨參酌朱子家禮為陰氏慎終錄又
有婚禮節要人稱隱君子

四川通志
隱逸傳

秉衡居文翰樓貯書千卷恹恹於天理人敬之介邪正異
端之辨泰酌朱子作慎終錄婚禮節要人呼為陰孟子南城

章履仁姓氏人物考均內江
志要師儒傳所引互詳列傳

文苑

明

張祖詠 祖詠字又益內江人有枕江堂選刻詩鈔魏惟憲百

名家小引云張子以詩鳴僑寓巢湖大江南名公卿爭折
節下之余過毘陵與硯齋季太史衡浣花才子指首屈為
得家學於尊甫羣玉先生近始締交河朔出所為詩屬余

內江縣志

卷之五

文苑

三十五

論定見其以英雄之氣練儒雅之才響中鳴球風生玉樹
幾幾乎視黃金白雪牛鬼蛇神輩皆奴隸之矣其推重如

此錦里
新編

內江布衣張祖詠從尊人羣玉先生寓江北巢

湖魏惟憲稱其詩未免過實然觀其集如芝江云楚王夢
裏神為兩黃祖刀頭血是才太險獨嘉其途中遇雪云雪
風吹馬去遲遲何處梅花觀酒卮在我固宜潘岳鬢於人
何盡馬良眉雲連玉宇炊烟沒凍合瓊樓雁陣歧歸去自
憐衰已赦寒江拋却釣絲垂三四為從來咏雪者所未有

兩村詩話葉墨客揮犀載羅可句斜後諸岳巖橫上馬良
省王士正香祖筆記謂五代忠道下多詩體而兩村謂為

從未咏雪者所未有則亦少所見矣

四川通志紀聞內江布衣張又益祖

詠少以詩名明末從尊人羣玉先生流寓江北以巢湖魏惟憲遇毘陵與硯齋李太史評又益為浣花才子惟憲即選刻百名家者也稱其詩以英雄之氣練儒雅之才響中鳴球風生玉樹云云按縣志所載楊化元比部詩多係祖詠原稿因其後裔於冊面書比部名故前修時嫁刻謹註於此
隱逸

徐慶傳

內江縣志

卷之五 隱逸

三十六

楊世先

二人原志隱逸有名而無傳

劉汝文

字載道家貧博學尤長於尚書一時宗之門下如司

馬馬鳳麓光祿蕭鶴侶運使王華巒其最著者嘗彙集百家叅以己意著尚書疏義惟李氏崇先尤得宗旨時有凌雲會推主盟焉條約賞罰眾不敢犯後人稱為耆儒

楊瑄

字伯琛勵志讀書喜吟咏不樂仕進至成都士大夫

多與之遊滌陽劉清廉以刑侍調蜀藩恭一日過徐都閩宅見瑄題徐壁詩有轅門久縮將軍印甲第高容駟馬車之句心異之徑訪焉及聞其懷歸詩云嗷嗷鴻雁常為客

小小蝸牛尚有家閒中遣懷云鑿瓮有天常自樂立錐無地且安貧又云閱人老眼湖山外避世間身草莽間深加重語之曰子才不售是自棄也我將薦子瑄辭歸閉戶不出晚號山壽翁年九十二

王寧寰 增廣文貢生祚洪之兄明末以兩登副貢不第隱於清流溪上蒔花種竹今呼其地為花園坡園址尚存

劉陶梅 字羹堂太學生父啟顯由江右入蜀貿易家報子天乃娶張生陶陶讀書多穎悟成童後回豫章省墓其時嫡母猶在戀鄉土迎養不允陶梅終身引為憾事修祠墓置

內江縣志

卷之五 隱逸

三十七

祭產而回性溫和丰儀爾雅善設論交遊皆遠邇名流嗣避囂移居鄉墅課讀闋耕外蒔花種竹常蓄風寒葶藥以濟鄰朋暮年取久貧無還之券悉焚去曰吾不能格外濟人恩用存此年七十七卒鄉人稱隱君子為長子馨有孝行列邑庠

李天培 名茂柏生明季嗜學能文以豪俠著性喜極急扶危遠近爭趨之值國變避遵義時戎莽縱橫天培倡義保寨賊不敢近督師王公應熊承制授守備旋以功晉叅將既知事不可為棄職隱仁懷山中事平復籍邑侯習公嘗為

你敘亟稱之卒年七十四者有家譜暨訓後格言
孝友

明

蕭清 父母卒前後廬墓六年清卒子時善亦廬墓三年

李延年 生員母卒廬墓撫按嘉其孝友授儒官

蕭恆清 廬母墓時有嘉禾白雀之瑞

劉思賢 生員母高氏卒廬墓府佐旌之

吳在瑜 生員為母廬墓子親且孫吉士能文

高如松 為母割股

內江縣志

卷之五

孝友

張文薦 生員母病割股

蕭華 廩生為母割股

張學敬 文行兼優母蕭氏病割股子鳳韶中式

徐朝忠 廩生嫡母病篤割股救愈巡按吳旌之

高柱 生員為父母兩割股學使勞旌其門

周至德 生員為母割股

喻懋卿 生員為母割股

程名南 生員為母割股

姚先祖 生員為母割股

游純 生口為母割股

謝本常 龍橋里人讀書識理道嘗設鄉校一旦念祖母宅地
下濕乃遷諸爽塏隨即廬墓三載既而母卒哀毀骨立營
葬畢亦廬墓三載感野鶩六雙朝去暮來栖息塚側若助
其哀鳴者及父享卒又結廬守墓終喪時方旱二麥枯槁
獨廬左右麥秀鄉人覩其異事成敬之以為孝感縣令謝
熙具始末上聞不報里人吳玉為詩贈之志舊
余慶傳 字吸泉積學誨人邑令陳延之教子始終不干一私
當路表以清修吉士偶病醫謂須食虎肉令欲獵致慶傳

內江縣志

卷之五 孝友

三十九

懼傷人力辭乃止病亦痊後辭館尋山林之樂子士策
字印山以貨殖起家能色養孫游成進士贈印山如其秩
慶傳舉孝友祀鄉賢焉

劉養民 字仁夫性恬淡沈潛典籍父病親離為吮之久不愈
採蛤江邊遇異人授以藥膏敷之立愈里中以為孝感伯
兄為銓曹郎有憲司被詬者遺以百金浼致書為解竟卻
其請由廩庠貢入太學未及謁選卒著有讀書劄記閒居

錄溪山漫稿志舊

熊應元 龍橋里蕭家海有古小碑鐫割股孝子熊應元之墓

七字增附

黃輝 賦性純厚萬曆十四年祖母張氏病危輝割股熬湯

以進張氏隨即回生年九十五撫按賜銀旌匾

陳堯道 字見羹三十喪妻明氏即撫子不娶淡泊優游至老

不易其志有儒隱高風焉上附順孫義夫共二人

清

徐孟震 乾隆初題請 旌表孝子有孝德維風坊

賴順麟 字素圃幼列成均嗜學能文事父母極色養有疾侍

藥不離丁內外艱先後廬墓六年事繼母盡禮如生二兄

內江縣志

卷之五 孝友

四十

蚤世撫愛孤姪一如己出居常言及父母劬勞輒自流涕
且尤仁慈常施棺瘞貧百餘蓋至捐修橋梁道路不吝貲
乾隆五十六年前邑令盧具狀題請奉

旨旌表給坊值嘉慶元年應

詔舉賢良方正

葉儒林 白沙里人少業儒以方正著母余氏年八十患病儒

林虔禱願以身代及歿治廬墓側未幾父純官相繼物故

與母合葬即於墓廬錫像以祀朝夕上食如生時四年始

歸四十喪妻義不再娶惟以事親訓子為念邑令韓任真

匾旌其門年八十三舉壽給冠帶子能忠能愈俱庠生

劉玉成 字天庸博學能文尤敦孝友充乾隆辛酉選拔例赴朝考玉成曰吾父母老矣忍以功名故離左右即家居終養士林推重焉子漢基廩生以文名漢廕入成均

王文琇 字賜輔九相孫性渾樸事父母能色養父母病與妻劉氏前後割股以進執親之喪泣血逾年尤好善樂施扶危濟困年四十餘卒子體道列成均諸孫俱遊膠庠迄今四世同居內外七十餘人無間言人以為有孝友遺風

魏家綸 字國璽宏毅子性友愛初宏毅無子以兄宏德子為

內江縣志

卷之五 孝友

四十一

嗣即家綸也既宏毅生子二曲體親心家綸視若同胞甘任勞苦課弟成名家計日益饒裕不蓄私財現年六十餘同居合爨友愛不衰鄉里稱有田荆之風焉

劉玉琢 字天造玉成弟國學生性孝友慷慨好義與猶子行析爨久仍代治家人產毫髮無私為伯兄子漢健儉官贊數千金無吝色每歲饑暨歲暮待舉火者常數十家婚喪不能治具者量力周之子漢昌漢豐入太學漢正漢柱列膠庠家孫蓉以明經任新津教諭曾孫景伯景叔同雋道

光五年鄉科

張先烈 字承武國學生中年丁父憂喪葬盡禮事母廖氏以孝聞出必告反必由門履視饒至老不衰與弟光熙極友愛以食指浩繁著居家條規可傳可法嘗因修造費多謂猶子行不受約束議祈釁已立分闔里人孫炳縷陳兄弟離居莫慰母心狀立將分闔焚毀和睦如初嘉慶二十三年母年九十五烈年七十二偶染滑腸疾不令母知病日臻仍扶病定省十二月知不起泣屬其子邑庠瑞日如我死必得柩宅中俟吾母百年下世然後出且我先吾母死使垂暮傷心大不孝須斂以薄槨服以斬衰會母臨視遂

內江縣志

卷之五 孝友

四十二

執母手強作笑顏而絕瑞欲遵遺命母不可曰我尚在爾父何得豫凶服無已納諸棺可也二日內母撫屍哭目即開俟母入房始瞑越明年夏五母卒或曰以烈之孝宜膺天眷不應先母而死然不先母而死不見其孝之至死不變也若烈者可以風矣

鄒家聰 邑東石子里人文文海早世嘉慶二十五年母王氏染病將不起聰禱於竈君去左手第五指以和藥病若失母年七十八歲猶康健異常

李楠 字國柱剛毅沈智而孝父洪學因佃傭殺人株連邑

令誤入其罪時楠年甫十六徒蹤千里痛哭上懇卒邀
恩赦後家累巨萬年八十五卒子毓蓋有傳毓萃州同孫
春暄第進士春旭舉明經人謂孝報焉

陳先釗 字希聖邑東白沙里人性孝友事繼母何歷二十餘
年色養不衰兄弟三人到以長主家政勤儉致富後將析
產厥弟議於均分外以百金酬勞堅卻不受尤深沉有智
鄉鄰口角經斷莫不帖然嘗出金助貧困而鬻妻者至今
猶頌其德云

葉國泰 邑庠生能忠子嘉慶十年母喻氏病故養廬墓三載

內江縣志

卷之五 孝友

四十三

有六月至道光元年父卒紳士李春暄余祿元等舉報縣
令弓翊清旌其門先是養祖儒林為父母廬墓養復繼之
咸謂綽有祖風云

李三榮 字上恭太學生母陳氏嘗疾病留連牀褥與兄初榮
及妻曾氏競割股以進子三察空寢孫十二皆循循有禮
云

鍾輝煌 字少伯性孝友個儻不羈十九歲時父成柱母巫氏
病危潛割二股各大如掌自烹以進病旋愈股亦無恙越
數年母復病又割左臂以進病即瘳讀書穎悟過人能左

石書真草隸篆俱擅長娶黃氏生子元龍以家政付弟輝
慶遨遊山水作世外人罕有見其跡者

門

傳 字師孔太學生十二歲遭父喪即能盡哀盡禮事母
詹氏能得其歡心自幼剛直有胆氣見不平輒攘臂爭毋
呵之則止繼鄉中推為里首辦事公正無私人咸推服元
配王氏邑東王沛女奉詹極周至詹病侍奉湯藥益謹居
姑喪泣血三年未嘗見齒生四子四女凡所衣食俱親出
其手傳刻志送子讀書氏并無姑息長錫璜邑庠三錫璣
廩貢註選候補訓導次錫珠屢試不售乃與李錫璜同列

內江縣志

卷之五 孝友

四十四

成均王氏以積勞成疾年四十卒繼室何氏生子二錫培

早卒婦王氏矢志撫孤載列

張

倬 字維昭性敏慧弱冠即遊庠父寓成都藩署離家就

養數載父歸乃歸友愛季弟侯令習弓馬亦遊武庫分爨
時盡割膏腴以予之時徭役疲民倬倡置倩田莊以供役
邑令韓萊曾嘉之士民皆倚賴焉卒年七十一子五世選
世用世達世相世澤用澤能文孫占鳌曾孫鼎彝由庚由
賢俱列饗序有聲

蘇鳴鶴

號語軒初年父以族眾爭護先塋歐人致死挺身任

罪戾西南單鳴鶴隨侍楚疆父病歿扶櫬歸里露宿星霜
哀感行路旋入庠舉乾隆庚子鄉試十上春官皆徒行且
能急人患難而性尤聰穎務博嗜古於三教洞及源委堪
與三卜飛符遁甲讖緯祀祝之類靡不涉獵以故方術藝
士多就正之從弟鳴岡嘗語人曰吾兄謹軒務博得主能
服若眾凡公瑩邑廟多盡力遠政不辭况瘁皆人之所難
至於篤親耐苦尤難能也晚選雲南楚雄令民益安其誠
樸嗣改崇慶州學正卒嘗自詠云無錢如我少有骨讓誰
多其襟期可想見已遂寧張問安有眼前古人蘇孝子之

內江縣志

卷之五 孝友

四十五

贈文白詩集

文白 補山 兄 中舉人

朱文相 字仲卿 家街人 貳尹 文彬 異母弟 文相 七歲失怙
事兄如父 出入悉遵 兄命 事生母 陳湯 粟必親嘗 母卒哀
毀骨立 讀書未卒業 援例從九 職一門之中 兄弟怡怡 鄉
里稱焉 性好施 與棺蓋 義塚 獨捐 濟修舟 梁道路 經募必
輸 尤善解紛 徃徃一言釋怨 由其孝友 性成 誠能動物也
其卒也 鄉市咸歎 惜曰 吾鄉少善人矣

潘毓璇

字琢齋 父泰熙 任成都教諭 以毓璇貴 贈朝議大夫

毓璇由巴縣籍入庠 屢躋場屋 以母老病 輟業 日夕同母

寢食夜分猶侍湯藥凡褻衣溺器必親盥滌曰無使賤人
飲恨也是時父規嚴肅肉食有常其母非肉不飽毓璇每
出必私懷腥鮮以歸養母循規如是者三十年同母弟璇
任得州守父命同行念母不忍離父病成都延醫星夜赴
省畏父怒偽託為醫自全一藥而起父母俱八十餘壽終
毓璇以兄孝勞馳封毓璇如其官後五年卒子元臣雋
邑庠

劉

馨 字峻軒邑庠生陶梅長子少有至性言動不苟讀書
期實踐入庠後膺薦未第以母病中輟平巷交友以信規

內江縣志

卷之五 孝友

四十六

勸不從便疏之父陶梅清雅高尚避居山莊課農桑馨即
荷笠替傭作文好蒔花種竹馨亦購奇卉以供母素病不
離床第已病恐悼父心每力疾偽愈以慰其純篤大概如
此年五十三先陶梅歿邑六泉老人為作孝行傳載山房
稿中

王以藩 字价維少孤伯仲父母撫以立醇謹好學事伯仲父
如父弱冠入庠屢列優等士林重其品學嗣游臨漳以增
貢應京兆試未第歸未手不釋卷有祖塋在瀘州雙碑子
被鄰人搗葬時州牧沈昭興踰垣不完嗣牧靳公廉其屈

授案押令起并遠邇稱快人以為孝行之報卒年八十二
四子長次俱肄業太學

馬出河 邑廩膳生母范氏蚤卒父繼娶喻氏生弟妹數人家
即 素貧無產業出河未雋時訓蒙以供家繼事繼母至孝
人不知為范出中年置產數百金皆錮贖所積及分炊產
仍厚弟為時俗所難訓課諸生以立品為先名家為鶚卒
年五十一子炎初試雋庠

高騰霄 原名鴻宣字南池號崑鵬弱冠雋邑庠旋食鹽以恩
貢銓司鐸臨選卒年七十四少穎悟經史百家無不抄覽

內江縣志

卷之五 孝友

四十七

貌魁梧聲如洪鐘端嚴有守人不敢干以私為文駁爽有
奇氣屢薦不售教授生徒多獲雋焉父母早逝事繼母能
以色養朝夕視飲食終食不倦繼母九十四卒兄鴻莖少
有文名雋成均旋歿遺子一女二皆為嫁娶有外侮必力
禦之不避勞怨次子敏良雋戊子鄉試桃補巴縣教諭官
囊所餘與兄弟共之克遵志焉

徐廷棟 邑東石子里徐廷棟業農兄廷柱弟廷檢同堂弟廷
相素友愛廷棟患瘋同治四年元宵前三日月先下棟倏
赤體赴塘昆季奔救柱隨跳塘援溺不見出水檢繼沒入

又不見相奮沒入久之棟自出得甍柱檢相三人相抱淹
甕里人憫之為之豎碑

王順 母卧病割股熬湯以進母愈里人稱之

黃家賓 字用光由富邑遷居邑西嫡母倪生母楊三歲失怙
楊守貞年十四母故兄仕美課讀不惜多金分爨任兄分
派無間言年六十二卧病兄七十三坐侍牀第醫藥月餘
友愛之篤鄉人稱之

陳聖鑪 字仲鸞又號麻郎性清雅工畫家原小康中落事母
以孝聞有老萊風先是麻郎失偶僅壯歲媳某亦早逝母

內江縣志

卷之五 孝友

四十八

氏凌年逾古稀多疾麻郎就養其間凡牀頭牀後事及濯
足澣衣皆躬任之母初以為礙繼鑒其誠亦安之歷十餘
年如一日母卒哀毀盡禮人稱陳孝子麻郎今八十又七
矣猶矍鑠健飯為人謂其壽皆自純孝得之云

李金相 字琢齋事親有至性年二十一父病且歿目不瞑金
相泣日得毋祖母未葬手家業由辛苦耒耜目遂瞑後卜
葬如禮金相工貨殖家益饒經畫膏聽於母一室陶然鄉
里稱之母卒金相移卧靈側不入室者三年凡母室衾榻
鋪置定省一如生日歷久無間語日事死如事生其金相

之謂乎

段 璠 母病割股和藥以進病愈鄉人稱之

段思清 璠三子年少失怙奉養孀母無間晨昏弟兄同爨內
外無間言兄卒與弟思恒分爨往來甚睦各年臻八旬友
愛之情彌篤孫儒堂許著二老生平行誼附家乘

陳作金 幼孤貧昆季三母改適西商某携季子去金與弟傭
佃起家聘妻矢尋母歸始娶往來秦蜀者三無所遇惟記
母醮時陝人某姓而已凡秦郡村市咨尋殆周後夢人指
引一所醒猶在目遂再至秦訪焉一日出門有飛鳥前導

內江縣志

卷之五 孝友

四十九

尾之宛如夢處果得迎母返繼父某以歸時季弟以歿弟
婦亦矢志終焉事與宋朱壽昌尋母相類六泉老人為作
陳孝子尋母傳

蕭運

煌

俱邑處士少失怙孝友性成兄弟怡怡至老如一子
重熙庠生孫宗瑞戊辰進士官內閣中書

李忠喜 家亦貧力田養親暇更為人傭作父正高年六十病
久幾殆忠喜禱於神割胸前肉烹藥以進父沉病立起鄉
里稱之

李運達

李仕陞之子母廖氏年八十病久日思肉食運達貧

無以養割左股肉大於掌者兩片調羹奉為母病旋瘳
趙瑞卿 趙晉春之子家貧業農父母俱老年病臥瀕於危者
屢矣瑞卿日祝天願以身代先後割肉四次烹藥以進兩
股幾惟骨立親病卒痊

何天章 天章內江諸生避亂遵義性剛直深明春秋周易
事母孝創建義學吳逆之亂偽將擄男女三百餘人天章
挺身營救偽將感其義志之年七十卒

錦里新編

何國鈞 國鈞初姓郭居內江七歲父為僧母改醮稍長徙資
州水南街賣餅有何媪者喜其誠欲收為子鈞不可會病

內江縣志

卷之五 孝友

五十

甚媪為療痊鈞感活已泣拜為母計母有子圖報始去母
素貧鈞力奉養乃母連舉四女迄無子鈞不忍去何翁事
携菽鈞為填債數百釧每痛親生無耗惟小時所居地及
父離家狀彷彿憶之常販內邑遇姑氏某始知祖父母父
母伯叔所在免姑導見各哭失聲歸不敢白何翁媪暗製
衣服潛給十餘年家漸饒兩氏親俱老乃集何族長跪白
翁媪泣懇與本生親通問翁媪喜其不忘本從之由是兩
家歡聚如一姓惟父為碧雲寺僧遊無定蹤徧物色一日
見之聖水寺大痛哭乃佃唐明渡古剎居之父仍遊數年

忽與疾來鈞無禱誠至越三旬父歿鈞哀毀骨立片柩葬
本奇道光二十二年何媪卒鈞哀如所生二十年何翁歿葬
較媪厚而何族無賴訟役逐鈞併其產四里公責無賴
而表其閭曰孝義可風時本生祖父母年逾八十伯叔俱
貧鈞弁迎養生母通鄰生二子負債數十釧代償之釧瓦
屋迎母及弟居之生母病禱以身代遂痊至八十餘始沒
鈞性仁厚好成人美始嫁長葬助傭力借資成業者甚眾
子郭榮庠生孫一一嗣何一嗣郭現年八十老編元年貧
州志節錄

劉子錫 子錫字存春曾祖一元增生祖國清拔貢官潼川府

內江縣志 卷之五 孝友 五十一

教授父花潭資例巡檢長兄懋昭庠生次兄子悅季則子
錫也先居內江蓋家沈祖徙資州年十二家貧父兄舌耕
於外子錫魚蠶以養年二十四季逆亂負父母及嫂入州
城掘水給朝夕常嘯歌自得人曰爾終日德何樂為答曰
我方能養家樂何如之旋入營為伍長打石地之戰陣亡
者多子錫幸免恐驚父母力辭歸父母病舉動需人背負
出入者數年父母歿廬於墓作蝦蟆歌以見志子錫素未
讀書而所作歌文情甚至士儒稱之服闋從區員稍得利
然曰父母歿既兄嫂幸存當善事之以補親不待養之憾

無何嫂亦歿二兄俱以貧出外乃率姪返內江茂市鎮販
鬻糖房本器不數年積中人產迎二兄同居長兄菴每食
必親烹飪無交客至必請兄辦何等酒食次兄無業長兄
不肯令同食耗其膏子錫屢請未允乃別舍居之次兄不
慣靜居能推子平數而不精子錫為設肆垂簾令賣術苦
難售則陰以錢與人使徃求數厚酬之每日得錢一二十
次兄喜以為己術之神也而不知錢自子錫來子錫素未
娶至是人以無後勸之則曰長兄有三子可繼父嗣何娶
為乃撫兄一子為後終不娶子錫雖勤買而資不甚豐設

內江縣志

卷之五

五十二

兩藥店店中皆族子姪生息願做或勸收其一則曰此店
收吾族子程何所依其數賤蓋天性然有姊適門氏子錫
聞其老而病買鮮鮑魚鮑以沙饋熟煮手提步徃行幾二
十里至姊前啟蓋以進熟氣猶騰為愛同胞其摯如此兩
先先後歿葬祭極哀人以為難

潘泰熙 字世治田廩貢任成都教諭少時家貧遵母訓以勤
儉致豐裕第泰階早卒視諸姪如己出飲食教誨不分析
者五十年子姪文武并守闈累膺封贈嘗自書牒云勺
未釐金酒愛惜片言隻字莫輕狂足為世範

張哲堂 號楠園父之嗣哲堂以猶子入繼事母孝母亦愛之
篤由廩貢銓訓導性和雅居恆無厲言戾色處兄弟鄰戚
無畛域好讀書教子志成業季子尤穎悟能文入庠早歿
迄今彬彬為詩禮家

志要孝友類

鄰朝京朝周 邑黃市井人幼從湘南王大令聖謨遊以誠篤
見賞京周先後歿子彥正彥芹同體父志兩房諸生十餘
人皆彬彬儒雅嶧瞻庠生嶧督舉人任鄰水教諭迄今又
歷三世同爨將百年內江數十人男務耕讀女慕貞良嶧
賢母年八十五以節獲旌人稱貞壽孝義四德之門不愧

內江縣志

卷之五

孝友

五十三

唐張公藝家云

友類

鍾啟子 啟子家貧父錫才母曾氏年並七旬啟子傭工朝去
暮歸以供晨夕光緒二十五年父得重疾啟子割股以進
二十六年有司請旌准予建坊

劉家鈞 家鈞性至孝而貧窘光緒二年父孔淑疾危家鈞割
左勝肉和藥進疾以愈八年母高氏疾甚家鈞割右勝肉
藥疾亦愈十九年母始卒二十五年父始卒二十八年請
旌得允

王紹閻

紹閻性純孝而家貧光緒十五年父訓得危疾紹閻

割左膀肉和藥疾遂愈二十年父乃卒二十六年正月母李氏病劇紹闇仍割左膀和藥病稍瘳至六月母卒二十八年請旌得允

劉盛矣 盛炎性孝家貧叔祖廷文身得重疾盛矣割左膀肉和藥疾即愈時光緒三十年五月也八月廷文卒有司為之請旌

高誼

明

喻彥斌 家富好善正統間輸穀一千一百石以賑荒旌義民

內江縣志

卷之五 高誼

五十四

有司遍其門曰尚義

喻彥明 輸穀一千一百石賑荒旌義民有司遍其門曰敦義

徐尚貴 隆橋里人洪治元年歲饑捐粟賑濟有司請給冠帶

清

張深 深字學海例貢生性孝友息氣潤如親鄰疾厄貧窶

有求者深無不量力濟之生平施棺木一百三十餘蓋冬衣百數十件橋梁道路不治者輒倡修之臨歿焚券數十張曰吾不欲留此累他人也迄今子孫猶食報焉

喻璋 邑庠生端方好義尤樂培植佳子弟族孫洪林洪猷

少俱孤貧璋親為課讀資給衣食膏火後皆為鄉科登仕
官鄉人賢之迄今子孫多列科名焉

李乃亨 字方園邑庠生性孝友勤訓課昆季子姪先後入庠
充貢者十餘人乃亨恤苦憐貧康熙末倡約同鄉捐修東
關渡船二艘復買庄田以備久遠好學至老不倦刊格言
以勸鄉里卒年九十八著有老吟集

陳賢通 好善樂施於白沙溪口及高寺下捐田土一分以資
濟渡迄今利涉者稱道不衰

劉憲儀 居介內榮二邑先世楚南人以勤儉致富性好施與

內江縣志

卷之五 高誼

五十五

附近斷澗崎途多為修理捐建榮邑文廟梓潼宮各數百
金嘉慶元年東關外置大小濟舟四舫前後捐穀八十石
錢二百餘緡贖店房一所以備久遠經費兩邑縣尹先後
匾旌其門卒年八十五子述楚孫耀宗耀善俱貢成均守
遺訓焉

劉朝模 字名範好義樂施與弟朝瑛以糧地與市名田家場
繼復捐廟基義塚其賦代為輸納商民均愛惠焉

賴文廷 字光陞原籍粵東龍川人由儒素起家性好善於茂
市鎮梓木鎮俱施地為義塚不能殫者復給以棺木至修

葺橋梁道路與隨時應求尤不可枚舉卒年八十子孫席
豐焉

鄒彥正 字聖扶太學生父朝京素揮霍卒時負重逋叔朝周
情諸姪幼小迎正母子同居代償舊債時正十五老成持
重代叔理家改逐豐於財迄今五世仍未折爨堂兄彥方
早卒遺孤嶧陽嶧賢嫂氏蕭誓不他適正擇師課讀不惜
費陽遊邑庠賢登嘉慶辛酉鄉薦現任鄰水廣文正生平
耿直善排難紛里閭爭端得其一言皆折服嘗與同里舉
人任山東詔陶知縣蘇鳴岡修路數百丈子嶧桐候選縣

內江縣志

卷之五 高誼

五十六

丞嶧橫業儒正卒胞弟太學生彥藻繼之尤個儻好施三
族中咸受其賜遇寒峻士體恤彌殷邑中培補文風事件
皆與焉一切義舉無不勇為於戲弗可及也已

朱文彬 字協中祖籍福建武平人由太學援例晉縣丞性慷
慨好義弱冠王家改善籌畫家益豐五世同居內外數十
人無間言族親鄰里有告之者隨時周濟有搆訟者竭力
解紛有善經紀者每給與貲本因之發跡者良多嘗施棺
槨百餘具太平冲義塚一處與粟剛琥陳作全謝一槐三
人捐修碧峯橋彬實倡之邑侯弓題曰四美有序見藝文

先是物母即無嗣稱為主後族致擬每主未稟臨終猶以
為言為姓等語遂遵命以稱而相父子者章為邱氏孫有借
資不取帶一應是壽更賜子姓置買家塚一大區以完素
願卒年六十六歲

諸葛琦 字瑞田太學生生十枚義疎財富置義塚數處相成
中有資三千餘者焚泰勿與宗元為亦友受官第一宅與
公雲弟同居事政自置粟選力代貧乏中受塔為工俱與
有力焉

李國大學生和易先生公于應事古為橋一役道

內江縣志

卷之五

二十七

十四年興通登殿等德捐重建於始蓋音幾於廢寢忘食
焉或更以資資於器數十里先是嘉慶初年三有兩兵邑
設軍需為教事兼經理對等是今不勝其煩乃大富直之
應庚申年西丁卯運至三向中時時運軍需至達州交卸
等事幸勤司事以久無誤與情極微直司者誠以富為
其是德德矣嘉慶年六十一歲

字康廷人主格由江西等入蜀妻於內通居於內
生子男文及章受室後文議於德章德之也而父母與文
相繼下世文妻李氏以三十餘年家甚貧欲他適章累之

同炊幸免離邊復為長姪錦儒娶范氏乃令其自為貿易
嘉慶庚午錦儒病不起又託後事於章章慨然為視其終
紀卸其葬孤俟錦儒子朝爵成立乃遷族鄰以歷年積累
千餘金更遠送終毫不私邑人王果為作義行傳載善文
鐘成松 字景山僑儻好義父珍才母邱氏生四子松序居其
季叔兄成相早卒撫仲兄成柱子輝超為嗣松縱使遊學
遊列貴序有聲松費千金不惜家庭難睦從無問言
謝國清 好善樂施常倡捐募建第一青雲觀音三橋義塚數
處棺槨三百具鄉里稱善人為

內江縣志

卷之五 高誼

五十八

洪禹遲 太學生與弟適力行善事常捐銀修道路置義塚於
棺槨剴勸善書凡有益於人者無不樂為是年七十逾年
六十三

李毓壽 太學生邑東白沙里人好行其德與原任甘肅寧夏
府維歷劉文燿共捐置義塚四處

羅良存 字秉衡例貢生性剛直有幹濟才凡遇不平必昭雪
之而後快邑中廟宇場塔諸役皆其所贊成幼孤貧尤能
子患困窮體郵寒暖常除已下受分田土一區為族中埋
葬獨捐石梯舖義塚一處與弟良朋共買壽溪橋義塚二

處每年施棺槨一百餘具年六十一歲卒子二湘邑庠俊
監生孫六業儒

陳賢聖 邑武庫與姪書紳捐贖竈義塚一處命子書俊與
監生黃永舉捐募來寶橋義渡一艘

黃榮捷 邑東觀音里人太學生廷位孫寡言笑崇樸黜華而
能力行善事一切橋梁道路每倡首多助以竣厥功其他
濟困扶危不可枚舉且不令人知有知而稱道之者必皇
然謝之子瀾戊午科舉於鄉人以為好善之報云

王文璋 舉鄉賢卒年八十七妻李氏卒年八十六子六人即

內江縣志

卷之五 高誦

五十九

內閣中書王者瑞昆季也相傳未生中書昆季時家甚貧
與妻謀遠出作小經紀季許之歲暮歸偶憩野店主人有
一函交見其夫婦子女相聚而注問之曰歲暮債逼將鬻
婦以償璋惻然問所負幾何曰十金璋傾囊得十二金僅
留二星為度歲計餘盡慨然相贈及抵家李問今歲得利
幾何璋恣然曰得十二金昨午因憩某店見其一家注聚
知將鬻婦償債余不忍遂傾囊相贈僅留二星歸既而悔
之無及矣李曰此盛德事有二星吾夫婦亦可以度殘歲
何悔焉是夕璋夢天墮六星入懷一最大者現一悔字飛

去寓寤以告妻李夢適合後果生中書兄弟六人其一早
逝中書有傳載人文尤可志者中書繼室陳為姑割股卒
年八十一長孫永懋卒年八十二婦潘氏現年八十七第
三孫永極早世婦柳氏二十一歲守節現年七十二第五
孫永鐸邑增生現年七十三曾孫世田繼室張亦為姑割
股周書曰身其康強子孫其達吉璋庶幾焉誌之以為好
義者勸

藍都 明官達清字喬性好施與邑西聖水寺藍家廟藍家
寺基地田土皆其所施三處共載糧數石並倡建廟宇俱

內江縣志

卷之五 高誼

六十

有碑記可徵清字墓在藍家廟後題有恭先然太乙英氣
貫斗牛聯耆壽文美其嗣也

熊受恩 字蓋夫原籍福建文斯蘭以甲科歷仕江西廬陵萬
安留寓未歸受恩弱冠入蜀初煮醴鹽場既開旅蓉城與
邑人士善遂來邑娶室家焉仍設旅以廣結納為人慷慨
尚義尤愛讀書人解衣推食豁如也一子飛聰穎好學雋
道光辛卯鄉科孫玉華光緒乙亥鄉科曾孫其先庠生書
澤綿綿人咸謂好賢之報年八十卒

吳錫純 字粹齋邑西安樂里人少貧性穎異讀書日十行下

及長起家力田事親務在養志兄弟姊妹一雅棄無間言
一堂稱孝友為子昭文貢生船德增生孫履厚文生連靈
廣生

謝維嵩 舉人廷獻從姪醇謹老成由貧致富慷慨好義捐膏
大入學校議敘八品職銜

張廷堃 捐贖入學校田 議敘八品

張爾錫 龍橋里人庫生捐兩門內地基一區建書院

劉國棟 藍生西林寺人與弟國相國傑捐田五十八畝入書

院膏火

內江縣志

卷之五 高祖

六十一

李大節 中江里人監生捐田壹分值壹千數百金入書院膏

火具題 欽賞鹽知事

嚴 萊 字贊吾質性孝友有幹畧讀書不事章句學宗伊洛

奉行功過格尤謹邑中濟救城工大為守禦各公件多力
為整飭里人賴之生平尤好周恤凡衣藥棺槨有濟於人
者咸施無算晚年杜門課讀教子孫惟務教品力學行善
益力嘗發雙鳳驛業田以贖族中貧乏并酌定程式以垂
久遠吁其澤長矣長子維增生孝子瑜葵西選拔孫心諫

援例州牧

王方中 字懋賢少穎悟能文試輒冠軍以數奇報讀起家賢
易舉巨萬性慈恕好施鄉里賴以舉火者數十家子金階
恩賜壬戌翰林檢討孫宗泗萬甲午鄉科孫治邦邑庠
樹稱望族焉

廣廷 字柳林大學生邑西泉里人性純篤好誦經史暇則
琅琅聲達戶外以家累就實財雄一鄉廷視之蔑如也生
平尚義舉不稍置義塚三處義渡一處甲子歲凶米昂甚
短出積數萬償平糶存活無算三子貽契同知衡四子貽
震五品陞銜孫憲沛憲恩邑庠

內江縣志

卷之五 高士

六十二

劉家虎 武庠生其族為西鄉大姓家虎舉充戶首概絕以禮
法抑強扶弱貧者衣食之病則給以藥費均相安於耕讀
子啟宗太學生孫國安由武庠議敘衛守府三世接充戶
首公廉為族人所悅服

陳德剛 庠生與業師劉德馨同赴省垣師病危時德剛武列
一等棄而不履侍師遂星至簡州師亡號泣仍同枕簟不
以生死介嫌其篤師誼有如此者

黃建位 大學生勤儉正直明理能文善事親睦族本支八房
偶有抵牾得其一言是姓立刻數十年從無稱訟者尤懷

慨好施三黨中有貧不能婚葬者助之貸不能償者焚其券歲歉不苛求佃戶租額且給來春耕費不責息里鄰因乏時量人給木或以非禮于初不與校卒年八十四歲子三長汝監列成均三汝和皆能繼其志次早喪以孫榮捷承尤綽有祖風云

黃錫業 字創亭邑舉人黃覺三父昆季四人創亭行其二也伯錫基叔錫管季錫存創亭幼聰穎師友咸以大器期之而屢試童軍不售乃廢讀力田性樸直言笑不苟治家內外嚴肅持己以廉季弟錫存婦歿遺一子一女子方四歲

內江縣志

卷之五 高祖

六十三

次年錫存復下世子女二人零丁孤苦父命撫育一力承之待如己子飲食教誨以至於成人父歿後仍代為督理於所收儲積相息為置買田業計二千餘畝諸凡出納絲毫無隱其公正如此雖曰情篤友于而撫孤田成之心求之於世未易多親也今錫存子舉福之子稷生為邑諸生有聲庠序亦差慰撫育者之期望焉

王 悛 字圭九弱齡入學與玉卿公推一門雙璧平居恂恂寡言笑飲食衣服皆崇簡樸鄉里推長者為首成均屈選卒

王賜纓 字廷冠一字崇繁十二歲失怙依仲兄康侯公讀書
視諸兄如父諸兄亦皆酷愛之性溫和好施與力學飭行
為文深思曲入嘗從新寧尹湘南王先生聖謨遊先生器
之曰六郎孝友人也文亦占後福屢試不捷則往來銅廠
盪場間歸而仍奮舊業年五十猶治爰讀蓬瀛山愛諸姓
如已出有窘急輒與已業以濟

王 泰 字汝亨順哲美髯眼下卧鬚瑩然自少孤立仁慈慷慨力學二十年因家無次丁中輟與族鄰交爽直不假文飾里黨皆瞻敬焉凶年貸貧人穀屢焚券不責好讀書子

內江縣志

卷之五 高祖

六十四

果就塾時尚習專經公獨購五經左國周禮以餉

李 珣 字東美年十一失怙恪稟慈訓力穡起家為人敦厚有德量因作室鄰有忿其監柱太高被壓公溫語謝之即為銘柱三尺里黨咸以是賢公年八十三卒妻唐氏年八十五咸豐五年貽贈文林郎唐贈孺人子 毓先字登崇監生以醇謹著年皆八十餘

李官祥 字德懋少孤知自主事祖父母暨節母能以色養待族黨有恩堂任世傳五齡失怙恃教養至於成人凡建宗祠恤貧之迹修橋志訟諸件皆為鄉里所稱每見先正格

言軌錄以訓後卒之日親鄰皆歎息年七十五咸豐五年以孫達舉官聖廟啟事與子世偉俱贈文林郎

辰天緯 邑東業儒幼年屢試童軍未售例入成均勤儉持家里有爭端善排解年八十五原配楊亦同庚孫曾共七十四人五世同爨無間言

蘇純臣 字子泰由附監授例直隸州吏目以子鳴岡貴封文林郎幼穎悟綺歲游庠兄純嘏早世嘏次子又殤父貽贈文林郎茂眉大慟臣百計解慰既丁外艱苦塊中即力肩家政事繼母王如所生掣來一子培因亦游庠臣視之不

內江縣志

卷之五 高誼

六十五

曹同胞生干篤本支睦宗族應事明決課子姪最嚴乾隆庚寅年金川用兵當途延臣運米役夫逃亡賠累不少既豁免專意課兒曹舉業庚子丙午兩科姪鳴鶴長子鳴岡先後領鄉薦次子鳴喈廩貢生國子監肄業候選訓導孫九培廩生培應例選教諭坪壩增生塘山東

聖廟七品承祭郎曾孫七俱業儒

易國光 字英華少聰敏甫開誦即曉義理能文以家貧輟業力耕養親仍遣子隨弟讀書事父貽贈文林郎林元母貽贈孺人周氏能先意承志偶染微恙即寢食不遑生平勤

儉瑞嚴不設城府子七人含章嘉慶辛酉進士任江蘇溧陽知縣有傳含暉含英從九含芳廩生含宏含春含清俱
監生

李毓蓋 性寬仁嘉慶五年教匪滋擾邑侯暗令里人捕殺之
隣邑有屈姓者被執蓋察其冤力爭得免生平行事多類
此子三春暉例貢春暉道光癸未進士春旭乙酉選拔人
謂厚德之報云

門光彩 邑武庠性孝友善繼父志與若弟敦子足誼至老如
兒時生平慷慨不欺里黨推壘晚尤樂與文士遊以故子

內江縣志

卷之五 高節

六十六

遇春萬春雖皆武生而遇春善詩人多傳誦

門履青 字耀彩太學生少失怙克恭厥兄年已六十猶聽命
生平監耕課讀崇樸黜華公門中絕無其跡子六立應遊
庠

門履慎 字淑秦性寬和而貞固父令早卒事兄以恭善鍼灸
用之濟人不吝施舍生平省食節用課子讀書子五遺愛
遊庠

楊天燦 邑東梧桐里人性慷慨樂施捐店房以作雙市議學
修費士林稱之其構設急公所及沿河洞鄉學濠溪口渡

再俱載資志行誼不贅子三以長子星微貴 誥封武德
位騎尉次子星連州庠生三子春芳福建歸化知縣孫文
炳州增生年九十六卒

張廷詒 業儒性剛直明讀傳家生子十孫曾七十五年八十
三卒原配周生歿同年五世同爨無間言人以為受公藝
衣鉢云

黃德華 六歲入小學十二歲熟誦五經並通漢文爾雅唐宋
八家從邑舉人趙桂林學制藝試童子軍列前茅縣主稱
神童為未匝月病殤桂林暨紳童碑於東觀岩側以誌不

內江縣志

卷之五 高誼

六十七

志

晏思位 邑宿儒鵬化孫忠直不苟榮利幼時家原素封以伯
兄業煤滋訟遂中落思位不以貧失守惟明讀課子為業
尤精岐黃濟人不計貧富以故全活甚多單寒家尤感戴
為子維齊邑庠

段 璉 邑西良里武生性剛直勇於為義不計勞怨歿已百
年鄉里稱之

段 理 端嚴不阿善排解為宗戚畏敬事無巨細咸稟命以
行邑舉人謝廷書稱為里閭人望良非誣也

段思孟 直言不隱不好說隨經理賢良在社數十年興利剔
弊置產數處人服其公卒後為豎木主附祀龔市靈祠
朱 煊 號松齡世居白鶴山為國賢孝子出繼國清例授同
知銜候縣丞性穎悟篤孝友尤慷慨好施與事本生父母
能竭力嘗增值贖回先業以遂親心當生母蕭太宜人壽
九旬見玄孫為請五世同堂於朝荷御賜七葉衍祥匾額
鄉黨榮之松齡姻於藍務家道進裕同胞兄弟析居者惟
分潤堂族子弟亦多扶植曾集巨金代贖友人出獄邑孝
廉易鴻貼作義士行以美之光緒甲申歲早松齡以預投

內江縣志

卷之五

六十八

廣渠計岸藍號息銀數千金及贖存穀四百石稟縣分賑
各市鎮事詳州省總督丁給匾曰好善樂施卅牧高給匾
曰誦周鄉里此其生平卓卓彰著者餘如排難解紛東然
諸獎引人才不負託孤亡友獎親故難償債券修道路施
藥餌種種公益慈善楮不勝書卒年近大耋子世勳世昌
同業入邑庠次第食廩餼人咸稱善蔭云
仙釋

晉

葛

洪 字維川丹陽句容人好神仙導養法從祖元學道得

仙相傳其煉丹之處天下共有三十治南嶺江一峯乃其一也上有足跡丹臺現存事詳葛仙寺碑記

慧永永 內江潘氏子與慧遠同師道安相期結屋羅浮及遠為安所留永及先至潯陽刺史陶範留憩廬山舍宅為西林以居之峯巔別立茅室常有虎馴伏入其室者輒聞異香因號香谷

宋

朱真人 郢縣人也九歲慕道出家遍遊名山遇異人授以吐納之術咸淳癸酉至內江化龍山修煉於冷然長樂二洞

內江縣志

卷之五 仙釋

六十九

後不知所在有碑刻存焉詩見藝文

明

張三丰

天目人名居實字玄一號三丰幼讀儒書晚得仙術

雲遊方外永樂初至內江明道人家詢其姓曰龐遂以老龐呼之道人名玉誠懇習道教善符咒濟人多驗故龐訪之龐每動以異術若履險不墜涉水不濡之類而道人不悟龐云我以道奉公公以法授我乃作道法會同疏一通畀之道人稍悟優待異前居歲餘科禮都維事胡榮物色之遂同見胡厚禮之肩輿偕往不知所終有詩及道法會

同疏見藝文 三丰不知何許人洪武中入蜀僑寓環衛
姜指揮家寒暑惟一簔笠其大即小戶出入不礙繫鐵線
縱極工織朝夕居一磐石上嘗取梅枝挿土即生花皆下
垂故成都昔年猶遺照水梅種而永樂中遊內江寓明玉
道人家說云龐姓微示以異常履極險不墜涉水無少濡
而玉善符咒多奇驗欲以役龐笑曰我以道奉公公以法
授我耶乃作道會同疏一通界之居歲餘胡濙物色之遂
同玉見胡後不知所終蜀 三丰遼東懿州人名全一一
名君實三丰其號也以其不飾邊幅又號張蓮通洪武二

內江縣志

卷之五

仙釋

七十

十四年遣使覓之不得永樂中遣給事中胡濙偕內侍朱
祥貴璽書香幣往訪遍歷荒徼積數年不遇 或言三丰
金時人元初與劉秉忠同師後學於鹿邑太清宮然不可

考明史本
傳節錄

廣善 邑大通里人永樂年生少敏慧嘗結跏趺坐默誦經

典鄉人異之長祝髮報恩寺尋從無際禪師遊了徹心性
有偈語傳於世端坐寂弘治間山東出世嘉靖間灌縣出
世萬曆間什邡出世三世皆夙悟前因解詩律時見為善
知識云

明超 號月庵金像寺僧初蠢然不識字閉門靜坐後十餘年一悟了禪嘗作手卷詠詩有投巢野鶴穿松徑借榻開雲擁竹闌半卷殘經明月下滿懷清興翠微間之句又有一律見藝文

樂明 號其月般若寺僧性警敏七歲祝髮讀內典至諸行無常是生滅法嘆曰生者何物滅者何名既曰無常孰名為定師異之後遍遊名山與羣禪宿相印證晚遇趙文肅語之曰收拾身心歸故里免教帶水並拖泥明歸築室靜坐不記年月忽一日謂大眾吾將返矣即說偈曰寄住娑

內江縣志

卷之五 仙釋

七十一

婆七十三化緣事業返根源真性了然無罣碍撒手逍遙極樂天次日端坐而寂

正法 廣化寺僧性樸實不好文字惟習靜坐得七十八臘一日呼大眾告之曰某將去矣鄉人間而欲留之不可因沐浴登火樓端坐其中輪珠念佛遠近觀者如堵火及口說偈曰一句彌陀着力多無風起浪又添波若能識得無生味忘心靜處自彌陀焚盡香聞數里

鄧霍初 號太湖後更豁渠早遊庠己乃棄舉業遊趙大洲先生之門講良知學久之篤志禪宗入青城義眉訪高僧隨

入洱海鷄足山白鶴寺祝髮為僧遊閩中會倭寇亂禁遊
僧出入復養髮於崇德縣服儒服為方外客縱遊湖湘金
陵歷冀北至太華少室勞山間後遊燕臺與大洲會印證
若有所得大洲語曰子好遊幾三十載當有任脚處矣今
西還至涿鹿小庵卒有手錄遺文授其門人何守拙題曰
南詢錄 詔渠年二十遇異人授以無為之旨遂棄去諸
生一日玩壇經有省聞道川拈金剛經頌瑩然明徹及入
青城山耳邊嘗有報將然事者語同參玉峯峯曰修神被
鬼神勘破乃落靜境耳時有內監邀渠供養至之夕內監

內江縣志

卷之五 仙釋

七十二

夢神責云汝以劣相妄希大道覺而告之渠遂辭蜀入滇
至大理李元陽館于三塔寺為落髮因寄玉峯云太湖落
髮一佛出世以渠初號太湖也晚益超悟嘗謂在雲南所
得是相外消息在嶺南所見是相內光景再抵武陵參道
林凡字內名山無不遊歷後不知所終 雲南通志

張叔安 叔安字一山洪治乙丑進士典試闕中得士最盛上
端揆策萬餘言陳修己治人之理朝廷嘉納之尤嗜仙釋
與方外羽士遊巡按山西署中畜一鶴有羽人詣叔笑許
之及退而羽人及鶴均不見一日晨起櫛沐肅衣長歌而

述三年許差賣蜀中丞奏道過一官一羽人借舟江遊呼
差曰吾蜀內江人將書及錢差法差以為官遊客也及歸
過內江始悉其仙去四江

道

淳 號靈石邑徐氏子博學工詩善臨池入釋氏遍遊兩
都講梵典精確傾動名流獲楮墨者如拱壁云辛酉南旋
西林禮義肩繡懸然不樂右協而逝凡百日舍變人稱為
靈石大師焉著有金剛解及詩偈行於世

西

坡 有道行文學高僧清初丙申卓錫榮經天鳳山樂道
庵著有天鳳逸集及西歸雜興榮經縣載為內江俗姓

內江縣志

卷之五 仙釋

七十三

萬諱海溟曾登明崇禎末年進士因時亂出家與致仕僉
都御史篤慎字敬止者恒相倡和詩文多載榮經縣志茲
採錄其復敬止書云亂後歸來山房大是寥落日在隨
緣就理不暇遣候是為悵望前日獲接大雅時調老僧在
座捧讀一過琅琅與梵唄鼓鐘爭響山林生色多矣謹
謝但這段機緣老僧久已斷絕今為我翁檢着燿處只得
破戒奉酬第布鼓雷門後增行遠一笑耳謹候却削又具
九日訪道友詩曰屢杖尋盟語甚長况逢重九色蒼蒼
蘿衣底輕寒透風雨聲中大事忙老翁髮添霜樣白病愈

瘦許菊般黃道人不是登高懶且看烟滿太荒殿後圓寂
於庵中作留別詩曰忙忙理着舊袈裟奉到丹書日已斜
拜辭殿上黃金鴨揖別庭前白玉花袖統乾坤歸洞府肩
挑日月度蓮華吟咐犬貓隨我去青山讓與俗人家綠觀
詩文如其避亂悟道迥異尋常編流惟是石明末進士經
闈獻蕩焚京蜀文獻殆不可攷

文

雪 號通醉邑李氏子生時祥光滿室有異徵長淳厚聰
穎通儒釋教默達宗旨後為萬峰破和尚印可開牛山禹
門漢中靜明保寧草堂整頓類網機迅則果日春霞談禪

內江縣志

卷之五

七十四

則泉流濤湧凡秦晉說法七鎮叢林從者以十計及重闕
昭覺大振宗風列工臺咸敬重之至若撫蜀大中丞張公
總督李公胡公皆以師事焉時年七十有七鬚髮尚黑優
游恬靜指示不倦中州名僧咸奉其衣鉢焉 通醉號丈
雪內江人破山弟子蜀禪教皆破山初通醉聞破山開牖
於西充荷金粟衣鉢直詣參謁時已昏黑有寺僧在寺門
守候通醉至寺僧曰汝非通醉禪友乎吾師命吾二人候
子久矣隨導入丈曰吾師慮子走入旁門特令在此靜坐
入久之不出視案上有宗支譜一帙逐頁翻閱皆歷代傳

派名號驚曰吾師示我有所皈依及見破山語涉禪機
破山作破勢云老僧不忝禪止愛伸脚眠通醉疑駭時心
海法師至命燒浴心海入福見通醉我執手執火云我
出一對曰竈前立塊金剛漢通醉對曰鍋中煮箇粉頭禪
心海以告破山曰臨濟兒孫一日侍遊白鬼亭觀瀑布為
史號文雪書偈曰劃斷蒼崖倒碧岑紛紛珠玉對誰傾提
將鉢袋橫攔住只恐螭龍又雪冰遂入訖室又雪亦題瀑
布云誰將玉線掛山頭晴雨濺濺總弗收幾許劫風吹不
斷牢拴天地一虛舟一日醉往大童破山書扇錢云雪骨

丙 江縣志

卷之五 仙釋

七十五

冰肌誰箇知臨行相贈扇頭詩清風贏得遠歸握漫莫違
人露一絲後演化於昭覺寺門徒甚盛年八十餘示寂主
持弟子傳究即其從子新編

可

拙 江南溧陽人幼慕禪教好讀金剛楞嚴大乘等經若
有所得遂棄家遍遊名山康熙間來邑住持聖水時兵燹
後寺宇毀圮拙力為重修遂為東南名刹第一後接引繼
流指示不俟得其教者咸達宗旨年七十八端坐而寂

三

謙 可拙弟子長沙李氏子幼矢志儒林屢試不售遂慨
然有出世之想康熙五十八年春邑祝髮聖水潛心靜悟

遂得可拙心印前後五方丈六年大闡宗風南北緇流聞
風欽仰年八十七寂

雲

山 碧雲菴僧募建殿宇種植林木繼於山半懸岩鑿洞

靜處足不出洞者十餘年坐寂其中徒眾封洞尋焉後三
十餘年相傳有異徵開洞建閣祀之

默

野 雍正年間初至內江聖水寺未披剃止寺門數日不

去亦不飲食問之不答有老僧出見其形踪詭異問曰汝
欲披剃乎默野點頭老僧邀入寺為削髮問之終不言

志以此文僧為可
掛此編不感 庚戌春孫督憲士毅於至成都西指東指

內江縣志

卷之五 仙釋

七十六

亦不發一言至驛道林觀察署見署中自修猪撫摩終日
若遇舊友戀戀不忍舍去人不知其何因也自修猪蓋林
出署時跟豬不去林命養之署中者癸丑卒於聖水寺前
一日用炭寫詩於壁云天地中空日月明無人不向此間
坐從今撒手西歸去免得拖泥帶水行次日跌坐而逝
新編 不知何許人雍正間來邑坐於聖水門外蓬頭草
履破衲外無一物如丐不乞如顛不狂可食可不食老僧
可拙異而善視之旋為之難髮日則隨處游行夜則倚壁
安坐眾呼為瘋和尚既屢有異徵名噪遠邇安岳令洪成

鼎聞而慕之乾隆二十午客內江遊盡得其詳遂為之立傳
名之曰默野由是名益振上憲過邑者必訪之庚戌秋閣
部孫檄邑送全成都厚禮之一時僚屬俱各詢行藏默野
終無一語問或手畫改字義亦不可解仍送歸癸丑正月
望端坐而寂莫計其年或曰百三十餘歲事蹟詳洪傳
默野僧者何志異人也人何異有人之形無人之情而無
名者也究莫知其何如人也故異也然則惡乎僧類乎僧
故僧之惡乎野不屋棲不郊蓬石穴古墓藜藿荆叢之是
居狼鹿狐豕鼯鼯之與游無所在而無所不在故野之惡

內江縣志

卷之五 仙釋

七十七

乎默能言不肯言而或偶一言如吹劍首快然而已以是
知非啞啞也言而不言也故默也無可名而強名之則曰
默野僧云爾默野僧之名益自悔翁始也初默野僧之末
內江聖水寺也才若二十餘歲人耳蓬頭草履破納身外
無一物如丐不乞如顛不狂止山門坐地問之不答呵之
不去食之則食不食不食如是三日時老僧可拙者修行
禪宿也見而異之曰此可憐人大眾毋呵叱善視之默野
僧見此寺之容已也依附焉日則隨處行游夜則隨壁倚
坐安以餐不宿興以衣不著不隨班下安你若有知若無

知矐然而往矐然而來而已矣來漸習老僧見其蓬髮中
蟲蠕蠕謂曰盍難諸野僧首肯遂難之於是居然一僧矣
每見寺僧作務若負薪鋤園耘田担穀等事野僧偶亦隨
衆雜作則皆有條理且力健每作常兼人而日最明絲
毫即見耳最聰細語即聞衆悅之然任其乘輿自作則窮
日夕不憊若一令之作事掉頭弗顧昂然去一夕盍寺預
告大眾明當代新默野僧未之知也質明大眾上山則薪
樵縱橫遍山谷尋之則默野僧持斧尚丁丁不休衆喜且
駭恐伐過當奪其斧齊相束荷擔歸盍合寺四五十衆之

內江縣志

卷之五

七十八

日之力運其一夜所斫未竟也自是衆始異之先是春夏
之交久不雨秧苗匝月勃勃然高田無水不得栽默野僧
一夜忽盡拔秧作數百束散置各田中衆僧晨起見而讓
曰田盡早拔秧秧禍奈何默野僧笑且走是夕星月皎皎
夜半後忽大雨水深二尺田盡滿詰旦索鼓四起所拔
秧盡得栽栽次默野僧敬然耒且助衆栽其整齊勻疾老
農不若者鄰田工少栽才半秧頭纍積田間明旦起視其
水田十餘畝秧遍栽狂喜雀躍詫以為神則默野僧一夕
戲也自是人益異之以其所至為快爭愧以錢棄不敢爭

拜以禮畧不顧遂競以神仙呼之而默野僧殊夷然不屑也歲偶旱禱雨弗應踵問之不聽以筆紙請判不聽固請則以筆大抹三條擲筆去連三日竟得雨前邑令趙侯聞而慕之邀之見不得一日忽自詣署喜出迎揖之默野僧瞠目不為禮直入中庭徘徊四顧旁若無人令見其衲破甚命新衣衣之其破衲堅不肯脫左右強以新衣蒙衲上野僧笑而出即棄去新衣披破衲如故或游市城或走村曲從不入人家亦不妄動人一物以故所至遠近無厭惡者意所至則至不欲至雖數人強挽之一掙即脫去去

則莞而笑即遭眾攪擾圍阻從無怒容嗔色或以錢強綴之破衲上則行步琤琤然沿途墜遺見兒輩爭拾輒大笑每來寺中興之所至則隨亭共作不則危坐不動亦不食或數日不一至或一日數數至偶欲食則不擇生熟淨穢若生豆渣或噉之至飽生芋最棘喉稍不熟不可食默野僧每拔生芋置大中略一炮輒咬之如啜白汁漣漣他人舐之舌澁不縮矣他若圈箕織席捆履編筐管籥春諸器具凡人所作見輒能作雖粗樸俱可用然非自欲作不能強也嘗拾棉花蒲葦手撕去子自出已意曲竹為弓而彈

彈則成絨排竹為車而紡紡則成線復以兩竹作機作線
作炭作扣作梭皆不類世所用而莫不適其用積十數日
織布成疋長二三丈濶近尺雖疎而細欣欣然自剪裁以
補其破禪破衲日夜不休餘布任取去亦不復惜然亦偶
一為之不類為也且無師之旨而能創器制物大率類此
平居無定所覓之了不可得不覓則忽然至不就本寺宿
亦不就他寺廟宿若疾風雷雨不知所之而後踪跡之或
偃卧古石柳以禱禱作枕或作懸竹林內摘芭蕉葉蓋頂
任雨淋漓尚鼾鼾睡未醒破衲濕透未即脫待晴立日中

曝乾之渡河濕亦然然二十餘年來此一破衲冬夏未嘗
易亦未嘗一日冒風寒卧病呻吟也聖水住持僧三諱者
今年七十六矣前老僧可拙之後也親見默野僧之耒因
悔前備詢之故歷歷道其大概如是如是噫嘻異矣悔翁
以乾隆甲午六月客內江遊聖水寺尋野僧不遇中元日
復至聖水亟問野僧未至有項行童報曰神仙耒矣厨廊
吃齋矣悔翁趨視時酷暑默野僧則頭頂破絮帽身披破
布衲縷縷若蓑雖破而潔若不時洗漿者迫視之累七八
重相連縷層疊厚寸許茸茸如重裘然以繩束腰敢飯飲

茶微汗津津晏如也。梅翁方手握蒲葵以風送之，視而笑。與之扇，弗接。頻問之，若罔聞。飯畢，周行廊廡間，折旋有態。翔步從容，若游泳其中之所得者。梅翁步步隨覩，細觀其所為。至茶室，以勺挹茶滿碗而飲。對梅翁曰：「吃茶兩字而止，復以手托茶中大葉一片，笑與梅翁。梅翁接嘗而不解其故意者，其以清涼之味示乎？或趙州旨耶？未可知也。諦觀其貌，類老猿清癯，無鬚，年僅若四十餘，無他異。唯雙顴隆然，神髮耳高，過眉近寸，當盛夏而破衲中絕無半星汗。穢氣是故有異於人也。與紙筆索其書，但以筆宛轉調墨。

內

江縣志

卷之五仙釋

八十一

硯上石有兩點，臆其數字於硯，旋草旋抹，不可辨其運筆。走脫非不能書，老而終不肯書，亦猶之手能言而終不言也。坐對半胸徘徊，時忽爾一笑，彷彿從後，迺入山飄然而去，噫嘻異矣。夫人之汨沒浮沉於世俗中而不能逃造化之拘者，唯有此身耳。有此身則不免於饑渴寒暑，居室衣食，凡含生負氣之屬，自王公黎庶以及蟲獸禽豸、蜂蟻、蜻飛蠕動之類，其日夕營營，雖小大不同，大都無非為居食計也。上之席豐履厚，甚或暴殄狼籍，中則拮据勞役，隱忍遷就，下之或寡廉鮮恥，莫不由是是身之為患大矣。若

默野僧者有身而外其身有情而忘其情浮游不知所求
徇狂不知所往其行止去來類皆自適其適而不役人之
役者方且齷金錢如糞土方且等錦繡如草芥方且視宮
室莊嚴若蓬棘荒榛方且對軒冕貴介若牧豎童隸方且
逆言語字句如風鳴鐸響蚓竅蠅聲其塗卻守神偷然自
樂逍遙乎無為之宇益混跡於閭浮提濁穢之中而獨皎
皎乎泥而不染者也是天地與並生而萬物與為一也倘
所謂大水弗溺大火弗熱寒暑弗能害禽獸弗能賊者歟
之言也始吾弗信今乃於默野僧見之矣噫嘻梅翁方感

內江縣志

卷之五 仙釋

八十二

感然累於此身求免世患而不得仰企若人如之何其能
及之矣但悔翁盡天下人焉能及之焉能及之又為得而
知之又焉得而名之耶若云神仙固不得而測矣竊怪神
仙應化度世為亟又何為沈冥自晦若是豈降謫者然耶
吾又焉能定之幸而遇之未能忘言為作默野僧傳以內
知者而知之者其誰耶贊曰土木而形雲水而情藏心而
鏡而何緘口而瓶寒耶拾耶抑孝然耶默野僧豈其徒歟
寒拾有句孝然有廬茲并句與廬而止之噫世無至人則
已矣他日者倘有饒舌頭陀庶幾乎其或能知之庶幾乎

其或能名之乾隆甲午七月既望應山洪成鼎悔翁護於
聖水靈湫之石屋

內江縣志

卷之六 地理

八十三